

**S P E A K E R** : Pathianin mi duhsak bik a nei lo tih dik takin ka hria e, nimahsela, hnam tin zingah tupawh amah tiha fel taka ti piang a lawmzawng mi an ni thin.

Tirhkohte Thiltih 10:34-35

Zawhna leh chhanna hun kan hmang anga. Starred Qeuestion No. 37 na zawt turin Pu Lalrinliana Sailo i lo sawm ang.

**PU LALRINLIANA SAILO** : Pu Speaker, Industries Minister zahawmtak chhan atan starred question 37-na (a) Industries Deptt. Geology & Mining Wing hian Mizoram sorkarah chiah a Chhung lut em ? (b) Chhunglut nise, engzat nge a chhunluh tawh (c) Heng chhiahte hi khawi/eng atanga lak nge ?

**S P E A K E R** : Chhang turin Industries Deptt. changtu Chief Minister i lo sawm ang.

**PU ZORAMTHANGA CHIEF MINISTER** : Pu Speaker, member zahawmtak Pu Lalrinliana Sailo zawhna chhanna chu - (a) Industries Deptt. Geology & Mining Wing hian Mizoram sorkarah chhiah a Chhunglut thin. (b) Mizoram sorkarah chhiah Rs. 72,78,864/- a chhunglut tawh. (c) (i) ONGC atangin Rs. 64,77,250.00 (ii) Quarry atangin Rs. 8,01,614.00 Total-Rs. 72,78,864.00

**PU LALRINLIANA SAILO** : Pu Speaker, zawhbelhna. A lawmawm hle mai a. Mahse, a kum zat kha kan lo ti lova, kan tum taka chu Forest Deptt. atanga Industry in a Mining, Quarry an lak atanga chhut kha ka rilrua awm chu a ni a. Keima tihsualah pawh lo ngai ta ila. 2004, November atang khan Industries Deptt. hnuaiah a awm a. Kan zawhbelh duh chu Mining Permit, quarry kan tih mai hi Issue

nan Rs. 500/- niin ka hria a. Tichuan, a validity ziah a ni lova, a thenah kum 2 an pek lain a then laiah kum nga te an pe a, tih nuaih hi engtizia nge ni tih kha kan zawt duh a.

Tin, a rate chungchanga royalty chungchangah hianin cheng 70/- kha an siam dan niin ka hria a. Mahse, tunlai hian cubic-metre ah 112 hi a lak dan niin ka hre deuh bawk a, chulai taka chu engeni a awmzia tih kan zawt a. Tin, quarry tunah hian enge a kaldan a kalpui dan dik taka hi hei, development hna an thawh dawn chuan in sak a ni emaw, leidawh a ni emawh, kawnglah dawn pawhin black topping te quarry hi a pawimawh em em mai a. Hemi an kalpui dan chiang fek fawk hi hriat kan duh a.

Tin, chumiah chuanin mining permit nei mumal lova quarry operate a awm em Mizoramah ? Operate awm nualin kan hria a, keima hriat danah chuan chu chu sorkarin a hria em tih rualin, khami operator te kha permit neilo ni ta se, penalty an siam em a hremna emaw khatiang kha tih kan zawt e.

Tin, Serchhip Mat Luiah khanin World Bank in RBM leh Tantia ten joint venture in lung an la a, khimiah khian engzat nge an hmuh tih kha kum hnih chhungin kan zawt bawk a.

Tin, Mizoram University a photography leh hemi Soil and Hydrological survey na atana nuai 36 Mizoram Industry Geology & Mining a an chhunglut ni a kan hriat kha hman a ni tawh em tih kha kan zawtbelh a ni.

**PU H. ROHLUNA**

: Pu Speaker, Tlungvel quarry, Keifang Quarry te Bung Bangla thlen hma quarry, Kawnpui thlang quarry te Mizoramah hi chuan a lar pawl a ni anga heng atang te hian chhiah engzat nge sorkarin a lakluh ? Tin, Geology & Mining atangin Mining permit nei a, operate a ni em tih ka zawt duh a. Heng quarry te avang hian mipuiin harsatna kan tawk nasa em em a, Tlungvel quarry phei hi chu kumtin hian a chim a kawng a ping tih reng hi a ni a. Keifang pawh chutiang deuh tho chu, Bung Bangla thlen hma pawh chutiang deuh tho chu a ni. Kuminah phei chuan thih phah te pawh kan awm a nih kha. Chuvang chuan, heng te hi permit nei a, operate a ni reng em ?

Tin, heng te hi Law & Order kengkawhtu lam hianan khap niin a changin a hriat a, an la reng bawk niin a lang a, helaiiah hian Deptt. lamah hian Co-ordination te hi a awm tha tawk lo em ni? Engvangin nge hetiang tak maia mipui te harsatna siamtu quarry hi an tih tawp theih loh tih hi ka zawt tel deuh bawk a.

Tin, tunah hian kan state highway Champhai kawngpuiah te pawh hian kawngpui dungah lung lakna hi a awm thar leh teuh tawh a ni a Deptt. changtu kan Chief Minister zahawm tak bial kawngte a ni a, a kal fo in ka ring a, a hmuin ka ring a. Kawng chhakah hian kawng ti min mai thei tura lung lak hi a tam em em mai a, lungchang tha mang lo cubic anga chher te a tam em em a ni. Hengte hian nakin lawkah chuan leimin nasa tak a siam leh dawn niin a lang a. Chuvang chuan, hengte hi tih tawp tumna hi sorkarin a nei em? tih kan zawt tel duh bawk a.

Tin, hei ONGC atangin tunah hian chhiah tam tak kan hmu niin a lang a, chhanna atangin. Hman lawkah chuan kan Chief Minister zahawm takin a thu sawinaah te pawh khan Mizoram mipui te hi chu Oil leh Gas lipui chungah kan leng a ni tih ang deuh te pawh khan a sawi thin niin ka hria a. Chuvang chuan, hetiang lama hma la tu Geology & Mining Deptt. a Wing hi Deptt. hrana siam a tih leh tumna sorkarin a nei em tih hi kan zawt tel duh bawk a ni.

**S P E A K E R** : Zawtbelhtu an tam vak lova, a zawhna kha kan chiang ang chu maw? chhang turin Chief Minister i lo sawm ang u.

**PU ZORAMTHANGA CHIEF MINISTER** : Pu Speaker, kan member zahawm tak te zawhna kha keini pawhin kan buai-pui lai tak chinfel a ngai kan tih lai a ni a. Kan vei tlang niin ka hria a, a tha khawpin ka hria. Hemi Mining permit validity hi kum nga thleng pek theih a ni a. Chu chu a per-cubic metre system a tih tur a ni a. kha kha chu nakinah pawh lo chhonzawm leh zel theih a ni a. Chuvangin a timing kha a in ang chiah lo tih kha a dik ang a. Tin, a rate kha order hmasa kan neihah khan per-cubic metre ah khan 70 nise tih chhin a ni a. Mahse, a practical a han tih dawn khan a sang lutuk a a tih chi loh an ti a. Sorkarah an rawn dil a, sorkarin in siamthat leh beiseiin a hma-a lo tihdan Rs. 1200/- per-cubic metre in kan lo ti ngawt mai anga an ti a. Kha kha chu a hma a kan lo tihdan pangngaiin kan rawn en anga sorkarin order chu kan rawn ti danglam leh mai ang e in lo tih laklawh tawh si chuan kan ti a, a hma a kal pangngai ang khan

kan order 70 kha a sang lutuk deuh a kan hriat avang khan a hma a kal pangngai ang khan an lo kalpui rih phawt e, kha kha chu a order formalise na tur kha tunah kan process mek tih kha kan sawi duh a.

Tin, permit nei mumal lova operate an awm em tih kha, an awm ngei ang tih kha chu a hriat mai a, khawilalah emaw an han ker a; vawiin a awm lo kha naktukah a lo awm leh a, kan han enzui leh mek e, permit nei lova operate kha kan han zawng chho zel a. Tin, hei hi phalloh a nih avangin a lo awm palh a nih pawhin kha kha zawn chhuah a permit pek a an chhiah chawi tur ang pawh chawitir zel kan tum a ni. Tin, chumi nei lova ti te chu hrem theih an ni tih kha a ni a.

Tin, Tantia ten pawisa engzatnge an pek tih lam kha chu heti mai chuan ka hre thei bik lova, khang kha chu nakin lamah te la in zawh theih a ni ang a. Tin, Mizoram University-in survey nana pawisa an pek kha hman a ni tawh em tih pawh kha khalai te tak kha kan lo in zawt lova. Tlema a hran deuh hlek avangin kha kha hman tawh a nih leh nih loh lai kha ka hrechiang chiah lova, Deptt. lamah zawtin kan in hrih leh thei ang chu.

Tin, hemi connection-ah hian a en ngai lai tak awm chu kan Sub-ordinate Legislation pawh khan helaiah Forest lamina tunhma-a an tih thin kha Industry Geology & Mining lamin a la tura tih an nih khan an mahni hi a mihring lamin an zo chiah si lova, a harsa si a. Chuvangin Forest lam te hian la leh ta rih sela. Tin, a tul a nih chuan Geologist lam Mining expert te pawh kha hetah Forest Deptt. ah te pawh hian attach-in a tul anga hman ni mai sela tih zawng te in rawtna te pawh an rawn nei a, kha kha kan en mek a. Helai hi a dik khawp mai a. Kan Mining Deptt. te hi Man Power lamah kan la tlachham deuh hlek a. Chuvangin Man Power an neih belh a ngai a ni tiin recruitment la teuh ringawt ila kha kha a hlawk ber em tih pawh kha en tham a ni ve si a. Chuvangin hemi kan dan siamtu pawl lam Committee-in a an rawtna kha eng anga siamfel tur nge tih tunah hian kan thlir mek a.

Tin, chu lovah chuan hei BRTF lam te, Central lam atanga agency local emaw a nih loh leh eng company-in emaw quarry an neih leh heng an lak reng reng hian chhiah an chawi vek tur a ni kan ti a, hei hi tunah kan nawr mek a.

Tin, kawngpui sirah inconvenience remchan lohna thlena hetiang arawn ti hi anawm thin avangin Aizawl bul hnai lam phe chu DC te nen a hmunah ngei pawhin heng hi keimah nen ngei te pawh kan zu kal a. Khung Tuirial kawng vel a mite pawh vawi khat pawh kan kal hawng, khami an quarry lak leh lung chim vel an siamthat loh avang khan motor tan kal a harsa lutuk a thlen veleh BRTF Chief Engineer te phone-in naktuk zingah ti nghal rawh u kan in ti a. Chuvangin helai hi chu enfiah tur kan neih lai tak a ni a. An mahni te nen pawh kan sawiho tawh a, "quarry min ti buai lutuk, chhe reng mai hi chu a ni lo reng reng a, hei hi chu alternative siamdan i ngaihtuah ang" kan ti a. Chu chu BRTF leh PWD te nen pawh hma kan lak mek lai leh kawng chhe lutuk lai bik kha a awm em tih lo endik tur pawh PWD ah te hian Engineer-in-Chief lam atangin a Engineer bik pawh kha kan detail nghe nghe a ni. Chuvangin, helai hi chu tihfel a ngai khawp mai a. Mipuih remchan lohna min siam nasa lutuk a, hei hi tun thal chho hian chinfel kan tum e tih kha kan sawi duh baw k a ni.

Tin, kan member zahawm tak Pu Rohluna zawhna kha, "heng quarry Tlungvel leh hmundang dang atang hian" tih kha lak mumal loh hian a lo awm rei khawp mai a. Mahse, an lak nasatna ber te a lo ni a. Khung Kawnpui bulah te kawngpui kan hmun dang dangah tuna kan sawi khan a khuh turah ngai ta ila. Tin, ONGC chungchangah khan han sawifiah lawk ka duh chu, ONGC in a an han finding-ah chuan Mizoram-ah hian oil a tam hle-in an hria a. Tunah hian ONGC in khutah Hortoki bul velah Sq.Km 5000 bial vel atangin exploration survey an bei a, kum khat a la tling lo deuh hlek a, "5000 Kms hi kan survey duh e" an ti a, phalna kan pe a. Chumi atan chuan tuna vaibelchhe 60 chuanglai an mahni pawhin a fee atan an rawn chhunluh kha a ni. Kan hriat ang in an zuk verh a, bomb an zuk phum a, chu chu cable-in an zawm a. Computer-ah an dah a, lei chhungah an zuk ti puak a, khami nghawr lei che velah khan Oil leh Gas awm dan kha computer-in an dah a, a chumi an store chu. Delhi lamah an zawntir mek a ni a. Kha kha kum khat chhung chuan a verh tur lai kha a awm ngei a ni tih lai kha chu an sawi mai a.

"Hei hi chu a tam em em mai a. Category-I ah kan dah a ni" an ti a. Mahse, official takin nangni hnenah report-a lo kal loh chuan official-in kan rawn theh lut thei lova. Mahse, keinin kan hmuh dan chuan category-I a tling a ni, a thaber te zing a mi kan ni e an ti a, kan beisei dan chuan kum khat chhung hian drealling tihna tur kha chu an rawn indentify-in a verh hna tur hi an rawn tan thei anga kan ti a, kan tur ve mek a ni.

Tin, chutih lai chuan Aizawl vel leh Hnahthial inkar roughly in hemi inkar hi chhaklam block leh thlanglam block, Sq. Km 6000 chuang zet kha Global Tenden tunah hian folat mek a ni baw k a. Hei pawh hi a tam hle a hriat anih avangin Global Tender Directorate General

khumi Hydro Carbon a an Director General lokal khan. Global Tender kan siam ang e" an ti a, "ni e" kan ti a kan in bia a "Global Tender an siam ta a. Chumi chhangtu te chu selection an rawn neih dawn hunah khan Company A leh B in entir nan lo chang ta sela, Company A in a chhuahlam lo chang se, Company B in a tlaklam lo chang ta sela. Khamiah khan an tih dawn tak tak khan hemi a fee an pek tur ONGC in an pek tur ang a hi agreement sign in kan pek tir ang a, tikhan a survey in a exploration an ti a khami kha take-up tur a ni a. Chuvangin, kan oil ah hi chuan, khati anih chuan Mizoram chanve deuh thaw chu an survey tihna a ni a, a chhimlam pang a hmabak a kha a tam zaw hlei hlei mai awm mange tih a kha ala ni nghe nghe a.

Chuvangin, hemiah hian oil lampang thilah chuan keimahni a kan chan turah phei chuan hetia an han lak hian product, 20 percent a kha state a lut tur a ni lehngal a, Tin, keimahni share holder a kan zuk tel ve phei chuan, tam tak kha kan lak belh thei anga, crore tel tam tak Assam te pawh khuan kan hre chiah lovah a zat chiah chu. Amaherawhchu, crore 400, 500

**PU LALRINLIANA SAILO** : Pu Speaker, ka rin aain a rawn lut leh har deuh hlek a, a din lai tak khanin kan Chief Minister hi a zahawm ka ti a, kan zawhloh thleng thleng khan min hrih a, a lawmawm khawp mai a. Amaherawhchu, kan zawhna lai min la chhan loh a kalpel hman a kan hriat deuh hlek a, hemi quarry neitu permit nei lova quarry nei, penalty chungchang ka zawhna kha. A chhan chu mihring safety atan a pawimawh tlat mai a. Duh lai lai, a khawimaw lai lai, a huaisen deuh te phei chu, "khawng Block President ka ni a lawm" ti a duh lai lai ker ang chi te pawh kha helai khawpui atanga hla deuh hlekah pawh awm thei a ni a. Chuvangin chuan, mipui safety leh mihring himna zawk atan khami leh a dang dang tan pawh penalty a kha a awm thei lawm ni ? siam dan a awm lawm ni ? tih kha min la chhang lo deuhvin ka hria a kan ui deuh a ni.

**PU ZORAMTHANGA CHIEF MINISTER** : Awle, kha kha ni e ka chhang zawk a, Awm e, phalna lova ti chu penalty a awm a. Chuvangin, tupawh quarry te reuh te nei atanga a lian ber nei thleng khan permit an nei ang a, an chhun tur ang zat pawisa kha an chhung vek tur a ni a, chumi tilo chu penalty in hrem theih a ni. Chuvangin, nichina ka sawi te kha kan zui chho lawk anga hemi kan oil atanga lo lut turah hian Assam te pawhin crore 400, 500 te khu chu an la ziahin ka ring a. Chuvangin

keini pawh hi khami kha chu lo chhuak sela chu kan economy ringawt pawh hi nasa takin min pui thei dawn a. Chuvangin kan oil chungchang thuah hian kan hmabak a lawmawm khawp a, hemi kan hotuten a kan Member zahawm tak te in rawn zawhna chhanna sei deuh hlekin information kan pe tel a nih chu.

**S P E A K E R** : Starred question 38-na zawt turin Pu Sailothanga Sailo i lo sawm ang.

**PU SAILOTHANGA SAILO** : Pu Speaker, ka lawm e. Zawhna pawimawh tak Kawnpui Damdawi In hi PHC ah hlankai tumna a awm em ? (b) - na a awmlo anih chuan a chhan sorkarin chiang takin hrilhfhah theih nise tih ka zawt e.

**S P E A K E R** : Le a zawh a kha Health & Family Welfare a ni a. Chhang turin Minister zahawm tak Pu R. Tlanghmingthanga i lo sawm ang.

**PU R. TLANGHMINGTHANGA : MINISTER** Pu Speaker, Pu Sailothanga Sailo, Member zahawm tak zawhna chhanna chu (a)-na Kawnpui Damdawi In PHC hi CHC ah hlankai tumna a awm rihlo tih a ni a. (b) - na chhanna CHC nih theihnan tul norms a phak rihlo vang a ni. Kha kha han sawi thui lawk ila a norms chu engeni in ti mai thei a. National norms ang chuan Community Health Centre (CHC) pakhat zelin mihring a enkawl zel tur zat bithliah chu mi singriat atanga nuaikhat leh sing hnih enkawl tura beisei a ni a. Tin, PHC hian pali a enkawl ang a. Tin, Sub-centre hi 16 vel awm tur a ngaih a ni a. Tuna Kawnpui PHC dinhmunah chuan mihring 9177 leh Sub-centre pathum an awm a.

Tin, tuna Mizoram dinhmunah chuan CHC hi 10 kan nei a. National Norms aia tam kan neih tawh avangin CHC thar siam leh hi a harsa rih a. Tin, hetah hian a dang pawhin norms an phak chuang hleinem a tih theih ang a. Amaherawhchu, kha kha chu norms pha ang tur chuan CHC neih theih hi kan nei vek lova. Amaherawhchu, local tawhin a an lo rel dan angin tiang khan a lo awm tawh a. Kha kha maintain hram hram kan han tum a. Chumi anihna ang nih tir tur chuan CHC pakhatah Doctor pali Specialist dah a ngai a.

Tin, an staffing Man-power turah chuan sawmli vel awm an ngai a. Chuvang chuan, Doctor pali leh Nurse te, X-ray kan tih Laboratory Technician te, Microscopiet tih te leh Pharmacist te chung te an ni a. Chutah chuan standard kan neih tlangpui ah PHC-ah hian 21 an awm chauh a, chu chu CHC-a ti tur chuan a let vel Man-power pawh dah belh a ngai chho a.

Tin, tunah hian chumi tur chuan kan Chief Minister hmalakna theihtawpin Central Sorkar, National Rural Health Mission hian CHC ah hian a nihdan tur angin Doctor 4 in lo dah ngei ngei tur a ni min tihna leh, chutianga a staffing pattern theih ang ang a ti tura min tihna avangin Doctor 26 leh Dental Surgeon 1 kan han lakbelh a. Chu chu PHC ni si 26 lai Doctor awm lohnaah khan awmtir vek dawn ta ila pakhat diat diat khan a daih dawn chauh a. Amaherawhchu kha kha keiin a charge kan lak tih khan PHC 26-ah Doctor kan neilo a ni. Chumi Doctor 26 kan han lak thar kha PHC-ah chuan dah vek mai awm tih ngaihtuahna te pawh a awm a, thian te pawhin minrawn zawt thin a. Doctor awm lohna PHC bialtu te khan. Amaherawhchu, Central-in CHC tuna Rural Health Mission-a dah ngei ngei tura minrawn insist tlat avangin Doctor 2 te a tlem berah kan han dah chho a. A hma chuan Doctor 1 diat diat tho CHC-ah pawh an awm a. Chu kan Doctor lakbelh 26 te chu dahbelhnaah kan han hmang a. Chutah chuan a la daih chuang lova. A tam berah 4 dah tur a nih laiin 3 te 2 te kan tlin hram a. Tichuan, PHC Doctor awm lohna 18 kan la nei a. Chu chu kan Chief Minister in a ngai pawimawh a. Tunah hian chumi atana post creation turin ruahmanna min neihpui mek a.

Tin, kan budget 70% hi Man-power an hlawh atan kan hmangral a. Chuvangchuan, han lakbelh lehna tur kha kan harsat avangin tunah a bikin Kawnpui bialtu thahnemngaihna kan rilruah leh mah pawhin a sawi thin a. Kan dinhmun chiang tak chu kha kha ka han sawi theih chu a ni e.

**PU SAILOTHANGA SAILO** : Pu Speaker, tlem te CHC 10 neite kha ka lawmpui a. Hei Mizoramah chuan Norms hi kan pha lo tlangpui deuh Vek a. Kan hriat hnuah ngai ila. A thuhrimah Kawnpui Damdawi In khu khaw parukin kan chhim tlangpui a. Tichuan, mihring belhkawmin 2001 census-ah khan 11835 a ni a. Tunah 2006 a lo ni tawh a, 5% kan belh a. Tichuan, 1,24,26 emaw vel kan lo ni ta a. Pu Speaker, he CHC hi a harsa anih pawn min thuam that dan hi zawn dan a la awm in ka ring a. Hemi a peak hour May-August thla lai hi chuan damlo hi kan tam thei em em mai a. Veranda ah te khum kan siam chawp a, thuthleng sei te, mi 10 vel emaw awm na turah khuanin 20,30 te damlo kan awm thin a. Doctor pakhatin a enkawl a, Nurse 3 emaw kan nei a. Kan indaih lo hle thin



a. He CHC hi duhin ngen ngen thin mahila harsatna a la awm anih si chuan tuna a nih ang ang khuan a building khu a chhe em em tawh a, a building te leh khumi khum leh furniture ho zawng zawng khu tun aia tha khuan min thuam sak thei tal lawm ni ? tih kha kan zawtin kan ngen leh duh a.

Tin, a pahnihnaah chuan Lungdai ah khuan Doctor kan nei thin a, tlem lai June thla khan zirna sang zawk zir turin min lo kalsan ta a. Vawiin ni thlengin Lungdai-ah khuan Doctor kan la nei thei lova, kan Health Minister zahawm tak hnenah pawh hian ka sawi thin a, tukin thleng kha chuan kan la nei lo niin ka hria a, hei hi Doctor nei leh thei turin tan min laksak thei em ? tih kha zawhna pahnihna a ni a.

Tin, a pathum naah chuan bial dang pawh hian Doctor kan mamawh vekin ka ring a, awm lohna tam tak a awm a, chuti anih si chuanin, sorkar hianin engeni open tender te emaw siamin a contract basis in kum khat chhung a tan emaw thlaruk a tan emaw khan ngaihtuahna hman a tha lawm ni ? tih kha kan zawt belh duh bawk a ni e.

**PU LALRINLIANA SAILO** : Pu Speaker, zawh belhna. Central-in Rural Health Mission chak takin a kalpui a, India ram pumpuiah kan Chief Minister zahawm takin a zuk ti chhuak leh thin hi a lawmawm khawpin ka hria a. Kan zawh duh chu, hei Cabin saw Civil Hospital-ah kan chho daih teh ang. A chhawrtu kan tam bawk a, a rem ang chu maw Aizawl Civil Hospital Cabin sawi khum 15-16 thin kha a ni a. 15 a awm ta a. Mawlte-a han chhutin room luah man sawi Rs. 200/- vel niin ka hria a. Hei thangkhat lian dawn mai Congress hunlai atang khan kan lo chhawr tawh a VIP ang te, Official ang te leh harsa zawk te tan pawh kan hmang tangkai em em mai a. Amaherawhchu, a tangkai ang hianin han tihbelhna ang chi saw rilru-ah a lian lo deuh emaw ni chu aw tihna ka nei a. Tunah hian Aizawl khawpuiah merit leh demerit a awm a, a tha zawngah pawh ngai ta ila. Damdawi in te ti ila Research Centre an ti a. Nursing Home te a piang teuh a, a tha khawp maia. Amaherawhchu, hei rethei zawk leh mipui mimir zawk hian kan tangkaipui hlei thei lova. Awm man te a sang em em a. Civil Hospital-a thangkhat lian dawn lai nitin han chhutin a room hi a full vek zel a. Chuti anih chuan nikhat-ah Rs. 3000/- vel a luah manah a lo ni dawn a, chumi kum sawm (10) tel meuh mai chu a tam hle dawn a ni. Chutiang rilru chu sorkar hian a pu em ? Mipui vantlang hniam zawk ten a chhawr ve theih tur zawk a Cabin system hi awm sela tha hle-in ka hria. Sorkar hnathawk ve lo te leh VIP lo deuh te tana luah ve theih ang chi pawh, hei hi pawimawh hle-in ka hria a, kan Minister zahawm tak hian a vei bawk a, a chak viau va. Cabin tih tam zawng rilru kha ngaihtuah naah an her thei hram lawm ni ? Mipui tan a tha dawn si a tih kha kan zawt a ni.

**PU R. KHAWPUITHANGA** : Pu Speaker, zawhbelhna, Kulikawn Health Worker Training Centre Building hi sak hlan kan nghakhlel hle mai a, engtikah nge tan a nih theih ang tih ka zawhbelh e.

**PU K. VANLALAUVA** : Pu Speaker, Treasury Bench te hian malsawmna tinreng an khum biklo a ni tih lantirna turin harsatna tam tak a awm a. Ka zawhbelhna chu Health Minister-in Khawbung Constituency-ah khaw 8 a tlawh naah khan a tawngkam leh thiltih kawng hrang hrang ah lawmthu rawn hlan rawh min ti a, lawmthu kan hlan phawt a, a) naah chuan 1999 kum tir khan Sesih-ah PHC Building tha tak leh mawi tak sak zawh a ni tawh a, quarter pawh neih a ni tawh a, engtikah nge tih puitlin tak tak a nih ang ? tih hi mipui te zawhna a ni e.

**PU R. TLANGHMINGTHANGA : MINISTER** Pu Speaker, zawhna Kawnpui bialtu zawhna kha Khawnpui khua kei pawhin Hospital ka zuk fang tawh a. A pawimawhna ka zuk hriatpui a, chawplehchilh a an hman mamawh si te pawh kan han ti chho nawk nawk a. Chungah chuan daikal in kha a lo awm meuh lova, khangte kha pit latrine ang deuh, VIP an tih ang chi ventilated improved pit latrine an tih ang chi khan kan han ti chho a, a bak pawh quarter te pawh a tulna a nasa a. Chu chu an ni chang ni lovin hmun dang dang pawh harsatna a in ang tlangpui a.

Tin, Mizoram mipuite hi kan fakawm ka ti a, tunhma kum 20, 30 dawn lokal tawh-ah khan vantlang thahnem ngaihna-in PHC te, CHC te an lo sa a. Chu an sak chu dik tak chuan sorkar kut thlakna ni miah lovin, PHC building te an lo sa zo va. Chung tak chu tun sorkarah pawh tawng nuam kan tihna a ni a. Chuan Rural Health Mission-a Minister te, Consultation with State Health Minister tih kan neih tum 2004 -- 2005 ah khan Central Sorkar pawh challenge nan kan hman a. Chumi voluntary-a an sak chu 20 vel building chu tunah hian a chhe deuh vek tawh a. Quarter pawh tihtlak a awm lova, Mizoram Sorkarin sakna turin sum kan nei si lova. Chuvang chuan, Central Sorkarin rawn chet a ngai a ni kan ti a.

Chutiang tak chuan Minister Chair-a thu chuan DPR rawn siam tur khan min kawhhamuh a. Chutiang DPR chu kan siam ta a. Rs. 52 crore a ni a, chumi siamna tur chuan kan theh thlakna a rei tawh a. Chu chu kan remind reng a, tunah khuan an approved tawh a. Chumi chu pawisa sanction turin tlem eng eng emaw zawhblehna a awm a. A principle

chuan an accept a, chumi chu a lo chhuah mai beisei-in tunah pawh hian a tul chuan zuk tlak thlak mai kan tum a. Chuti lova, a hranpa a Mizoram budget atanga kan mamawh te han sa zung zung tur chuan a theih bawk silova. Chu chu beiseina sang tak kan nei a, chumi a nih chuan hei Kawnpui a bikin kan hria a, a bialtu pawhin a thahnem ngaihna kha kei pawhin a takin ka zuk hmu a. Tin, Lungdai a Doctor awm loh chungchang pawh hi khatia charge kan han lak hlim a kalchho va, hmun kilkhawr motor han pawhna mai tur leh hmun hla te hemi facility neihna hmun hla te kan han en a, entirnan Bungtlang South te a hnai ber Hospital awmna chu Km 50 te emaw a lo ni a. Chutiang chu a ni a. Entirnan khangah te khan kan. Doctor neih ang ang te hi in dah phawt teh ang, a lo awm hnai leh khawpui hnai deuh te chu an hrethiam ang chu tiin kan han sawn rualtlang deuh chu a ni a. Tunah hian kan Doctor lak tur beisei hi mi 40 vel Doctor lak thar tur beiseina kan nei a.

Tin, nichina rawtna advertise in contract te pawh a theih lawm ni? tih Khawhai bialtu zahawm tak rawtna pawh kha kan tih vek hnu a ni a. Tunah hian Mizoram sorkarin a a kalphungah chuan DP & AR atanga control na leh standard system an siamah chuan contract a lak tur reng reng pawh an pay scale, starting pay angin khami kha an pay tur a ni. Contract na tur rate a ni an ti a. Chutiang chuan advertisement kan chhuah thin a. Doctor te Rs. 8000/- a thawk a thingtlang PHEC a kal tur hi kan hmu zo lo a ni.

Tin, Central atanga an rawn rawihah chuan RCH ah te, State Aids Control ah te Rs. 15,000/- te Rs. 20,000/- lai te thenkhatah chuan, chu chu an rawihna rate a ni a. Keinia Rs. 8000/- fix a han rawih tur kha kan hmu zo lo a. Kha kha kan lo practice tawh thin a. Tunah pawh hian khatiang ang ni lova kan Chief Minister zahawm takin Doctor bik hi chu i en tlang teh ang a ti a. Tuna hmabak chhawp mek chu a ni.

Tin, Cabin system uhhah chuan cabin hi sak teuh kan duh a. Cabin a awm te hi chu mipui mimir in a an dawn ang free hi chu an beisei thei lova. Sorkar tan pawh cabin neih teuh pawh hi a hlawk zawkin kan hria a. Amaherawhchu, mipui chanvo tur an share la hek a cabin, mi awmthei leh a luahman pe te tana han reserved vak mai kha mipui te kan nekchep dawn a. Chengkhat mah awm man chawilo leh ei man chawilo a kan tihna facility kha a rawn nek chep dawn a. Chuvang chuan, tuna kan neih angah hi chuan Cabin Room tihpun ringawt kha mipui ta lak thenna mirethei ta lak thenna a nih dawn avangin a hranpa-a Cabin building kan sak theih hunah erawh chuan, hei hi mipui tana Aizawl Civil Hospital, entirnan han sawi ta ila hei khum 500 tura ruahman chhoh mek a ni a. Police Station Area te pawh va la in helai hmun hi kan hospital lian facility te pawh Mizoram state-in a kan pek a Medical College kan neih hma leh, hetiang hospital lian kan neih hma chuan hei hi kan cheithat a ngai a ni tiin Major Project in tunah hian Detail

Project Report siam a ni. Chuta tan chuan cheng vaibelchhe 54 vei ruahman a ni a. Chu chu a lo puitlin chuan tuna kan building thiah ngailo la ding bakah sawn thiah vek a chutah chuan Hospital sheet tih ka tum a ni a. Chutah chuan a cabin lam kha a tam thei ang dah kan tum bawk a ni.

Tin, chu lo lehah chuan Aizawl South --II bialtu zahawm tak Pu R. Khawpuithanga zawhna Sub-Centre Building engtik nge sak a ni ang tih a kha, kan sa thei tawh e tih kha kan sawi duh a. Tin, Pu K. Vanlalauva Khawbung bialtu zawhna Sesih Hospital engtiknge a function ang han tih lai kha, hei hi a zawhna chhangtu kan nih pawh a huphurhawm a, hmana dintute khanin tihbelh ngai lovin lo tiphuisui sela aw !! tih hi kan duhthusam te kan sawi ve mai mai chu a ni a. Engpawhnisela, PHC kan neihah hian (Sesih chungchang an sawi ri tawh thin a, a dintu leh khatih laia Sesih a damdawi in lo sa tute khan lo tifel tih a ni a. 2003 a Sialhawk ami nen a in ang reng a ni. Khi khi min tihsak ve thei ang em ? Tin, a hma a mi ten lo tifel lo a nih reng chuan engatinge Sialhawk ami kha tihfel anih loh) Chu mai a ni lova. Pu Speaker, Sialhawk mai pawh a ni lova, Kanhmun te pawh an lo sa leh tawh a. Sihphir-ah te pawh an lo sa leh tawh a ni. Hei hi kan Pu ber hnenah pawh ka sawi tawh a. Hetiang anga a hmun tur building leh infrastructure a ni emaw sak mai hi chu a har lo. Amaherawhchu, a nih ang tura kal hi a har ber a ni a. Chuvangin tunhnuah chuan hetiang ang tur lo sak belh a hi tih tawh lo nise tih hi ka rawt reng a.

Tin, keima own decision ah chuan pakhat mah hi sak belh hi ka tum chuang lova, a chhan chu lo sak tawh PHC 96 Doctor awm miah loh naah Doctor han dah kim vek ila, a staff te nen chutah chuan Sesih pawh telin Sialhawk te pawh telin chumi hnuah chuan PHC dang kan hawn belh thei em ? tih ah khan Man Power kan dah theih leh theih loh ngaihtuah fel vekin sak tawh nise tih hi ka ngaihndan a ni a. Chungah chuan, Sesih leh Sialhawk pawh a tel a, chu chu kan dinhmun lo kal tawh beiseina kan hotute Ministry hrang hrangin an lo tih tawh, chumi tipuitling tura hmabak kan neih a hi a chhah em a, a thar tih belh lam hi chu rilru-ah pawh kan nei pha lo reng reng a ni tih kha kan sawi duh a ni.

**PU LALDUHOMA**

: Pu Speaker, ka zawhna 39-na Home Minister zahawm takin a chhan atan Mizoram chhung leh ramri hrulah hel (Underground outfit) chi hrang hrang engtenge awm ? tih a ni e.

**PU TAWNLUIA  
MINISTER**

: Pu Speaker, Member zahawmtak leh Ratu bialtu Pu Lalduhoma zawhna chhanna chu Mizoram chhungah chuan hel Underground outfit an awm hriat a ni lo.

Ramri hrul Mizoram leh Foreign inrinna, (State dang tihna a ni ramri hrul tih hi) ram leh lamah ramdang hel underground outfit kan hriat theih te chu heng te hi an ni. NLFT - National Liberation Front of Tripura, UPDC - United Peoples Democratic Front, Bangladesh, UNLF - United National Liberation Front, Manipur, PLA - People Liberation Army, Manipur, PREPAK - People Revolutionary Party of Kangleipak, Manipur, KNA (Kuki National Army, Manipur) HPCD - Hmar People Convention (Demacracy), CNA - Chin National Army, Myanmar, CNF - Chin National Front, Myanmar, CNC - Chin National Council, Myanmar, CLA - Chin Liberation Army, Myanmar khami ka sawi hnahnun 4 te kha Myanmar an ni a.

Tin, Pu Speaker, BNLF - Bru National Liberation Front mi 195 te hi nikum July 25, 2005 ah remna thuthlung angin an lo hawng a. Tin, BLFM 53 te chu a then chu man, a then chu rawn in pe te an ni a. Tunah hian BLFM Cadre hrang hrang 736 September ni 24 ah khan Mizoram Sorkar a in pek duhin khutah Kanchanpur a 36<sup>th</sup> Bn. Assam Rifle Commandant hnenah an silai te tungin an in pe a. Chung chu tunah hian khami underground outfit operation nei tawh lo tur a, remna thuthlung ang leh an mahni thu a rawn haw te an nih avang khanin sawi tel lova tih a awm palh takin tih thua kan sawi hmasa a nih chu. Chumi BLFM leh BNLF chu....

**PU LALDUHOMA**

: Pu Speaker, kan sorkar hi a fimkhur ngang a ni ang chu kan in thleng thlengin Police te an rawn dap tir a.

Hman deuh khan tuna kan hotute hi mahni in luma an mut ve theihna tura palai hna te thawk a, nihna zawng zawng te hlan a, vahvaih puitu kha kan ni zawk a, buaina siamtu ni lovin remna siamtu kan ni a, kan hlauhawm lo tih hi kan hrilh duh hmasa a.

Ka zawhna chu hmana kan session-ah khan kan member zahawm tak Pu Saikapthiangan Suangpuilawn a helho te nen a in thuruala in kidnap lem ni a a hriat chungchanga, a in hnamhnawih officers te hming leh an motor number lan he House chhungah hian ka sawi anga action in la nghal thei angem? ti a a zawhna kha "A lawmawm khawp ang chu a hria apiangin min hrilh rawh u" ti a kan Home Minister in a chhan kan beisei laiin a chhang ngam ta lo kha a ni a. Kan member zahawm tak hi tunah saw lamah thu tawh mahsela, Rose pawh hi a dahna sawn mah ila a rimtuina a

ngai reng tih a ni a, a rimtuina a la hloh chuan ka ring lova. Chuvangin, kan ruling lama kha thil hrechiang em em tute an lo awm tawh takah chuan Suangpuilawn kidnap case kha tunah hian eng dinhmunah nge a awm a, engtikah nge mipui te hian a chin chang hi kan hriat theih ang tih hi kan zawt duh phawt a.

Tin, underground outfit zingah khan kan Minister zahawm tak khan sawi tel loh pakahat a nei a. HPC-ah hian hel chi hnih an awm tawh a, HPC 'D' Pu Hmingte-a kaihhruai an ni a. HNA Pu Thansanga kaihhruai an ni a. Hmar zinga hel pahnih te hi an in mil lova, in kahna te pawh a awm zeuh zeuh a, chutah chuan Hmar In pui te nen theih tawp chhuahin an inrem leh na tur te pawhin hma kan lo la ve a, heta a hel leh lam zawk pakhat hi tuna kan sorkar hotute hian thil chi hrang hrangin an pui niin kan hria a, hnam khat chhunga indona thlen thei tur zawnga hetiana sorkar leh an mi tangkai tena hna an thawh te leh tuna Chhinlung Development Council Chairman ni lai a term a tawp hnaih avangin a nih leh duh chuan Tlungvelah theihtawp han chhuah rawh ti a, an campaign tir mek ang te hi kan sorkar hian a ti tawp thei angem ? tih a ni a.

A dawt leha chuan NSCN (IM) Army Chief John-a tih te, NLFT Foreign Secretary Dolphina tih ang reng te Chawlhna Hotel vel a lo thlen tir a, kan ram hruaitu lawk te kawmchhak Furniture Workshop hnuai te luah tir a, donation te khawn sak a, an hotu thenkhat Lengpui Airport atanga thlah a, a then Guwahati te, Tlabung lam te a escort ang chi te leh, Tuirial thlen hma culvert hnuai A.K. Rifles mu 1000 lai suan kual suan kual ang chi te hi, tuna kan sorkar hotute hruaina hnuai hian MPF te duh dan angin a reh hmal thei tawh a ngem chu chu min tiam thei a ngem tih ka zawt duh bawk a. A tawp nan chuan a inkaihhnawih thovin ka hria a. Kan Home-guard te hlawh tihpun kha sorkarin order a chhuah tawh niin kan lo hria a, hlawhpun tura tih ang khan a takin a pawisa faiin hlawhpung hi an la tawh em ? tih te kan zawhbelh a ni e.

**PU LALRINLIANA SAILO** : Pu Speaker, ka lawm e. Zawhbelhna

**S P E A K E R** : Vawiin chu Pu Rina hi a phur riau mai, a lawmawmah I ngai ang, a tha e.

**PU LALRINLIANA SAILO** : Pu Speaker, hei kan Minister zahawm tak chhannaah khan Mizoram chhunga helte a awm a hriat loh thu a sawi a. Tahrik 12 August, 2006 khan hel pawl hrang hrang 7 ten, kan Chief Minister zahawm tak hi an hmu niin ka hria a, ni 12 August khan. Tichuan, 15 August ah khan Joint Press Release pawh an siam ta a ni.

Tin, CID ten helaiah hmun an khuar zia an hre em em a, sorkar mi rin ten. Mahse, House-a kan hre lo tih tlat maia hi mipui bumnaah ka ngai a ni. Tin. Pu Speaker, ramri hrula tih lai taka hi hei rilru khawi em em mai a awm a, khilai Sinzawl-ah khianin information kan dawn danin kan hnung khanin heng Bru kan tih te, CNA te, Mara te training in an awm a ni. Hei rilru tina em em mai a chu Bru te kha chu a nih nih lo ni pawh nise thil kal tawh te a ni a. CAN te leh thildang pawh kha Mara atanga mi 30 - 40 an training ve tih hi kan hriat dan a ni a. Hetiang thil hi thleng ngai lo a ni a. Engtiziange ni ta, kan ramah hian kan thalai te emaw leh hnam ang te pawh hian kan him ta lo em ni tih a kha kan zawhna a ni a. Pawi ka ti tak meuh meuh a, engvanga Mara te pawh hel anga khilai training na-a lo awm ta mai nge an nih tih kha ka zawhna a ni a.

Tin, kan Minister-te hi a fit bawk a. zawh piah thleng thleng min chhang a, hei a lawmawm a. Pakhat zawh leh ka duh chu A.R. Kohli Pu Speaker, Governor a ni tawh lo hnu ah A.R. Kohli kha Mizoram Home Department atang hianin Padma Bhusan chawimawina sang tak hi a recommend em ? Hei Padma Shri te kan mi chhuanawm tak tak ten an hmu a, Mizoram ticket-in Padma Bhusan hi hmu an la awm lova. Chuvangin Home Deptt. hian an recommend in kan hria a. Mizoramah a piangin a seilian lo a kan quota tur 1 kan ticket atanga midang pek kan awihlo reng reng. Pu Speaker, hei hi thudik a ni em ? tih ka zawt a ni e.

**PU R. LALZIRLIANA** : Pu Speaker, hei hel te sorkarin sum an pe thin a ni tih ka sawi avangin case min siam sak a. A rei ta viau mai a. Hei hi ka diklo anih chuan min hrem mai se, ka ti dik a nih chuan an ni pawh hian pe tawhlo mai se tih hi kan hotute hnenah ka sawi duh a.

Tin, Aizawl khawchhungah hian hel hi an la awm niin a hriat a, kan hotu hmasa khan an sawi tawh a, khung Edenthur, Sairang kawngpui thlang Salvation Biak In bul lawkah te khuan PLA < KNA tih te ka hriatdan chuan kan Chief Minister hriatpui thlapin an luah a, Chung chu a pawn atanga en chuan ho ang reng tak, Mahse, a chhungah chuan computer te nen, vawikhat a lutin a sawidan phei chuan AK-47 pali an khumah a dah a ni a ti a ni.

Chutiang ang chu kan ram a helin min chim dan hi a ni a. Vawiin niah hian hel te hian min tina lo mahse kan thalaite rilru hi nasa takin a hruai peng a ni. MNF underground a awmlai khan Mizoram thalaite chu luhlulna leh thu awihlohna in Law & Order palzut ngamna in an khat a. Chutiang chiah chuan vawiin niah hian kuthnathawktute kan tih te leh midang thisen chhuah chak khawp a rum ta te hian case an nei a ni tih hi an Chiang em em a ni. Engatinge sorkar hian a hriat theih loh ?

Hetiang a thisen chhuah chak, silai nen a inhung reng te, silai vuan reng te fuihpawrhute hi kan Kristian tum danah pawh a ni thei dawn em ni tih kha ka han zawt duh a ni.

**PU ZODINTLUANGA** : Pu Speaker, kan Minister zahawm tak khan Kanchandpur-ah hei 700 chuanglai mai silai tungin anrawn lut a ti a. Kha kha an mahni anrawn luh ai a tam kha an ni a. An silairawn tunlun a kha engzat chiah nge maw anrawn luhpui le 700 lai mai hel ramhnuai a awm sorkar tibuai chuan an silairawn tunlun a anrawn surrender zat kha min hrilh thei em tih karawn zawt e.

**PU TAWNLUIA MINISTER** : Pu Speaker, a hnuhung ber Pu Zodintluanga, Buarpui bialtu zahawm tak zawhna kha kan chhang hmasa ber ang a. Pu Speaker, ka hman thui deuh pawhin zawhna zawt tute kha an kual thui ang reng a. Chuvangin, kan pelh deuh hret pawhin hriatthiam tlan ni ta selangin. Tuna kan ngaihthlak tak ang khanin 36 AK Batallion Kanchandpur, Triura ah Commandant hnenah hemi BLFM 757 tih a ni a hei hi Home Ministry a kan report dan a ni a. Mahse, kan Police te team an zuk kal thla a 736 an lo ni a. Hei hi anrawn in surrender a Calvin Chorki Section an ti a chu chu 116 an ni a, chuan an silairawn submit te chu 9 MM Pistol 2, 22 Bolt Action Rifles 2, 22 Revolver 3, Country Made Gun 10 a vaiin 17 Lalthazuala Section an vaiin 172 an ni. An silaipek luh chu AK 47-1, 9 MM Pistol 1, Ammunition of AK 47 Rifles 20, Grenade 2, Mortar 1, Country Made Gun 30 Edwin .... ? Section an vaiin 469 an ni hi chuanin silai an neilo a ni. Chu chu a ni a, hei hi BLFM section hrang hrang an ni a. Pu Speaker, 195 kha kan agreement anga lo ho te an ni a. Chumi hnuah chuanin heng BLFM a section dang a khan, an ni lo hawn rual ni lo deuhin a hnung deuhah keini chu kan lo hawng ang nge an ti a. A signing ceremony ah pawh khan anrawn participate a mahse langin thla l hnuah khan activity dang an neih tak avangin uderground ang khan an awm leh ta a. Chumi kal zel a chu an ni a.

Tichuan, an ni hi an President Pu Vanlalliana te, an Vice-President Pu Vanngama, Pu Romawi an Army Chief leh Lallawma, Captain te hi April ni 20 khan kan man a. Chumi hma March ni 16-ah khan Zoramthanga, Vice President nilai leh Larinkima'n an G.S te kha mi 38 nen anrawn in surrender a. Chumi hnuah chuan mi 14 anrawn in surrender leh a. Tichuan, mi 53 kha surrender leh khatiang anga kan man te kha an awm

.....140/-



bawk a. Tichuan, tuna mite nen hian an ni ta a. Tuna kan hriat theih dan chin leh kan hmuh dan chinah chuan Bru unau te a hel zawng rilru putna leh inruahman chhohna pawh hi a tawp ta (die down) niin kan hria a. Tichuan, Home Ministry-ah pawh kan report a, Home Ministry-in an ni hi lo senghawi chho ta che u an ti a. Tunah hian kan Police te an kal thla mek a. Home Ministry-ah pawh Home Secretary-in engkim chiang takin a zuk hrilhfiyah tawh a. An nin an chhawmdawlina tur kan ruahman te pawh chu min chhang chiah ril lo nain lo seng lut chho rawh u an tih avangin kan hnate a tha a, tunah hian photo identification leh khatiang thil kha an ti mawlh mawlh a. Chumi chu an zawh chuan kar leh lamah khi chuan chungho chu helaiah senghawi chhoh tur angin an in ngai a ni kha kha an hnungber chhanna ni selangin a tha ang e.

Tin, Pu Speaker, Ratu bialtu zahawm takin sorkarin thil chi hrang hrangin an pui ni a a hriat a tih kha HLA tihna em ni ? Kha kha a sawi lai taka kha niin ka hria a, hemi a hriat chuan kan puihna hi a hriat chuan min hrilh rawh se.

Tin, HLA Pu Thangsanga Group leh hemi Pu Lianhmingthanga Group HPD 'B' te hi an awm a, kha kha keini aia hrechiang zawk mah te an lo awm a mimal takin information min pe a, keini pawh kan record-ah a awm a, helaiah hian tlemin kan lo zial tel lo a. Kha kha nita selangin sawi belh a ngaih chuan kan sawi belh tur kan chhinchhiah thova heta chhannaah tak khan an lo telh loh avangin ka han hrilhfiyah nita selangin.

Tin, Pu Speaker, Mara atanga mi 30/40 training tih Khawhai bialtu zahawk takin a rawn sawi kha tutenge tunah hian min hrilh rawh se. Khawhah nge ? (Pu Lalrinliana Sailo : Mi rinawm tak hnen atangin ka hria a. CID hnen atang pawhin ka hria a ni. Engahnge ka hriat loh ang ka sawi ngam. Ka swi ngam khawp mai. Ka sawi ngam, ka source hi ka chiang a ni. Ka ngam a, ka sawi a ni Pu Speaker (Information)) Pu Speaker, House-ah hian rinthu leh inpuhna sawi hmasa lovin, a hma hian sorkarah rawn report thin ni sela chuan helaiah hian mipui hmaah pawh fel tak leh tha takin kan in chhang thei tur a ni a. Chuvangin, thil hriat kan neih chuan sorkarah a mawhphurtute hnenah hian report hmasak thin nisela tih kha kan chindan thin nisela chuan tun ang luai luai kha a awm hauh loving, Pu Speaker.

Tin, helaiah hian kan hriat theuh angin kan Chief Minister zahawm tak hian North East a hel chi hrang hrang, kan state thenawm a mite, remna kawng zawh duh te tan thapui a thawh hle a. Home Ministry-a Home Minister te nen pawh sawitlan thin a ni tawhin Prime Minister Green Signal pawh a hmu a ni a. Chumi hmalaknaah chuan tuna chulaiah chuan an thleng alawm tih ang chi hi chu dik tak chuan kan hria, kan arrangement pawh a ni ang, kan buai lai pawhin MNF leh India sorkar inkar in biakna a atmosphere tha tak kan neih theihna tur te pawh bialtu MLA zahawm tak tak te kha thapui thawhtu an ni. Tuna kan Opposition Leader zahawm tak pawh hi thapui thawhtu a ni. Chungah chuan lo riak sela, chumi chuan lo enkawl sela tih kha, khatiang ang kawng khan kan rawn ti ve a. Vawiin niah hian helaiah

hel bu khwar leh buaina siam an ni lo tih erawh kha chu kan sawi a ni. (Pu R. Lalzirliana : kan unau he ram chhunga kan thisen zawmpuite leh vawiin ni a hel tak tak he sorkarin a chawm te hi chu a in ang lo reng reng ) Hman leh tun kha thil hi a in ang vek lem lova. Chuvang chuan, a principle-ah khan Pu Speaker, chiang ila a tha ang a. (Pu Lalrinliana Sailo : Helaia buaina siam an ni lo a tih lai tak kha, Ramhlun vengah tlangval fel tak Isaak-a an that a, vawiin niah hian min tin to in a lang tawh a ni. Kan khawlaiah pawh min rawn thah duh tawh chuan keimahniah kan in nghat ngam lo em ni ? Sorkar angin keimahniah kan inbel ngam lo em ni ?) ka sawi ang khan Pu Speaker, chu pawh chu chhui lai a mek a ni. Ngawrh takin kan chhui. Pu Speaker, khati khan ka chhang zo thlangpui chuan ka hria a. Pu Lalduhoma'n hemi silai mu sawn kual sawn kual a tih hi hemi a hriatlai kha chuanin kan hnathawk tute hnenah tal chuan phone chuan han hrih nise chu kan solve thei tur te pawh a ni thei a, thil diklo leh tha lo hi chu report a awm chuan kan chhui a.

Tin, kan report hmuh zawng zawng te hi Security avang ten sorkar a kalphung avang ten kan sawilan a tul lova, sawi tur pawh kan ni chuang lova, kan member te pawhin hetiang kawng zawng a ngaihawh an neih a information an dawng a nih chuan ziak ngei te hian rawn submit thin sela, a tihdan chu keini aia hre hlei hlei an ni ang tih ka ring a ni.

**PU LALRINLIANA SAILO** : Pu Speaker, hei chauh hi ka zawt dawn lova, hei hi Joint Press Release a ni a. A sign tu hi S.T.Thangbei a ni General Secretary, United Peoples Front tih leh Thanglianpau, Chairman, UPF a ni. Tichuan, UPF tih hi hel pawl 7-te hian an in zawmkhawmin Chief Minister an hmuh hnuah an in zawmkhawm ta a. Tichuan, Chaltlang Tourist Lodge-ah an thleng niin kan hria a. Chu pawh chu sorkarin a pe niin kan hria a (interruption).

**S P E A K E R** : Press Release zawng zawng chu House-in thudikah a pawm lo ang a. Mahse, i theh lut duh anih chuan Authenticate nisela a tha ang e.

**PU LAUDUHOMA** : Pu Speaker, FIR thehluh te kha min chhang ve em em sela mawle. Ziak-in kan ti tawh an ti a. Ziak ngei FIR thehluh a awm reng a lawm, kum a liam tam tawh a lawm. Min hrihfhiah sela.

**PU TAWNLUIA MINISTER** : Pu Speaker, ka chhang tawkin ka hria. Pu Duha rawn sawi, Suangpuilawn kha ka chhan hmain min tibuai leh thin a ni. Kha kha tunah hian an report kha la submit loh a nih avangin, submit thei thuai turah pawh kan ngai a, kan lo enzui mek tih kha kan chhanna a ni a. Heng thil khirkhkan tok tak te chhui hun hi chu a rei khawp mai tih chu tlang hriat a ni a. Dan angin thil a la kai mek zel a ni.

**S P E A K E R** : Nimin chawhnu lam khan Pu Rina khan awm lo chanchin sawi loh nise a ti a. Mahse, awm lo chanchin a zawhna kha a rawn insist deuh lat mai a. Pu A.R. Kohli recommendation chungchang kha a hre chak riau a ni.

**PU TAWNLUIA MINISTER** : Pu Speaker, chutichu a dang sawibelh kan chak hi sawi ve zel tur em ni ang le? Pu A.R. Kohli kha recommendation in pe em ni tih kha Mizoram sorkarin kan recommend.

**S P E A K E R** : Zawhna hun a tawp a. tunah chuan laying of papers a ni a. Kan House Leader zahawm tak Pu Zoramthang correction of reply to unstarred question No. 28 put by the Hon'ble Member Pu F. Lal Thanzuala on 18.10.2006 House a lay turin i lo sawm ang.

**PU ZORAMTHANGA CHIEF MINISTER** : Pu Speaker, i remtihna leh House phalnain he House table ah hian correction of reply to unstarred question No. 28 put by Hon'ble Member Pu F. Lal Thanzuala on 18.10.2006 ka rawn lay e.

**S P E A K E R** : A copy kha han sem niseia, hemi chungchang hi Lengpui Airport atanga chhuak passenger 1998 atanga 2006 tih kha 2000 tih angin an lo chhang palh a, 2006 in an thlak a ni. House Leader, Industries Department changu, ZENICS Report, Annual Report 8-na leh 9-na House dawhkanah lay turin i lo sawm leh ang.

- PU ZORAMTHANGA  
CHIEF MINISTER** : Pu Speaker, I remtihna leh House phal-  
nain he House table-ah hian 8<sup>th</sup> & 9<sup>th</sup>  
Annual Report of ZENICS Ltd. for the  
Year 1998-1999 and 1999 – 2000 ka  
rawn lay e. (Speaker : A copy kha  
sem nisela ).
- ANDREW LALHERLIANA** : Pu Speaker, hei Report hrang hrang hi  
kan dawng thin a. C & AG Report ang  
te hi, hetiang kan hmuh te hi darkar  
khat emaw darkar chanve emaw tal hi  
discuss-na hun hi nei thin tawh ila. Chutichuan, report hian awmzia a neiin ka  
ring thin. Hei hi a rawt theih lawm ni tih kha kan sawi mai a ni.
- S P E A K E R** : Dan te nen kan lo enzui ang e, kan  
Secretariat lamin lo chhinchhiah sela.  
Minister zahawm tak Dr. R. Lalthang-  
liana, The Mizoram Right to  
Information Rules, 2006 House  
dawhkanah lay turin i lo sawm ang.
- DR. R. LALTHANGLIANA  
MINISTER** : Pu Speaker, I remtihna leh House phal-  
nain The Mizoram Right to Information  
Rules, 2006 hi he House-ah ka lay e.  
(Speaker : A copy sem nisela ).
- S P E A K E R** : Minister zahawm tak Pu B. Lalthlengliana,  
The Mizoram Societies Registration  
Rules, 2006 he House dawhkanah hian  
lay turin i lo sawm ang.
- PU B. LALTHLENGLIANA  
MINISTER** : Pu Speaker, i phalna leh he House phal-  
nain The Mizoram Societies Registration  
Rules, 2006 ka lay e.

**S P E A K E R** : Vawiin kan rorelnaah hian kan member zahawm tak Pu K. Lianzuala taksa chak lohna avangin a lo la tel thei lo a ni. Tunah Legislative Business ah kan kal ang a.

**PU LAL THANHAWLA** : Pu Speaker, Pu Andrew-an hemi report submit thin hi reilo te tal sawihona hun awm thei se tih a rawtna kha i reaction kan va hre chak ve. Kei kha kha ka support e.

**S P E A K E R** : Kan dan te en in kan lo en chiang ange kan ti anih kha, Secretariat Iamin an lo chhinchhiah ang a. kan danah hian a lo awm reng em, awm lo em ? Mi ten engtin nge an tih thin tih te kha kan lo zir zui ang e. (Pu Andrew-a : Discuss tih kha chanchinbu-ah chuan kan hmu a chu chu kan sawi a ni ) Khawngaihin a rawttu pawh khanin khatiang information kha min lak khawm sak theih kha chuan a tha viau in ka ring a. Tunlai chuan internet-ah te pawh a hmuh mai theihin ka ring a, kan Laptop pawh a hman thiam ber te zinga mi a niin ka hria. Le, tunah chuan Legislative Business-ah kan kal ang a, kan Chief Minister zahawm tak Finance changtu in Bill a nei leh a. The Mizoram Local Funds Accounts and Audit Bill, 2006 House-ah introduce dil turin Chief Minister zahawm tak i lo sawm ang.

**PU ZORAMTHANGA CHIEF MINISTER** : Pu Speaker, i remtihna leh he House phalnain The Mizoram Local Funds Accounts and Audit Bill, 2006 hi House-ah introduce ka rawn dil e.

**S P E A K E R** : Introduce kan remti em ? Kan remti maw ? Awle, a tha e a copy kha sem vek tawh a ni a. Chuan House-in kan phalsak chuan han introduce sela.

**PU ZORAMTHANGA CHIEF MINISTER** : Pu Speaker, i remtihna leh House remtihna The Mizoram Local Fund (Accounts and Audit) Bill, 2006 hi he House-ah hian ka rawn introduce e.

**S P E A K E R** : Le, The Mizoram Local Funds Accounts and Audit Bill, 2006 chu introduce a ni ta a, tunah chuan ngaihtuah turin rawn move sela. Chief Minister zahawm tak i lo sawm ang

**PU ZORAMTHANGA CHIEF MINISTER** : Pu Speaker, hei The Mizoram Accounts and Audit Bill, 2006 hi Bill harsa lutuk a ni lova, nimin lama kan ngaihtuah te ai khan tlemin a technical lo deuh hlek a. Chuvangin, member dang te tan pawh thil hriat thiam awl tur niah kan ngai a. Tun hma zawng U.T. kan nih lai leh state puitlinga kan awm hma khan kum 19 chhung lai chu Assam Local Funds Accounts and Audit Bill Act, 1930 kan hmang ngar ngar a. Amaherawhchu, hetia state puitlinga kan han awm a, kan han kal tak chinah hian a that famkim lohna lai leh eng eng emaw thlak zeuh zeuh tur laite a lo awm bawk a. Chuvangin a tharin Act hran hi neih a tha tawh e tiin chumi thlakna tur a tan chuan he Bill hi rawn introduce a ni a. He Bill-ah hian kan hriat angin Local Bodies thenkhat Municipal Board kan din tur ang chite leh Town Committee te leh Village Authority te leh Local a Accounts han Audit a kan enfelpui tur hi tak tak kan nei a. Mahse, hemi Audit enfelpuina tur hi sorkar thil ni lo a dan tak hi kan neih hi tuna ka sawi ang khan a tha tawh a kan hriat loh avangin leh Assam dan hlui kan lo chhawm mai mai a nih avang khan tha leh zualin han siam nisela tih a ni a. Chumi tur atana kan rawn din chhoh chu a ni a.

A tlangpui thuin heta kan han hmuh ang hian examiner Local Funds Accounts examiner te an awm ang a. Auditor te an awm ang a. Chu lovah chuan tribunal te pawh kan siam ang a. Chungte chuan a tlangpui thuin Local Fund examiner kha tuna kan hman mekah hian a ni a. Tin, a kal leh zel turah pawh a nihdan tur ni awm tak a ni a. Kan Director of Accounts and Treasury hi Ex-officio a ni mai thin a. Chutah chuan auditor te a ni khan a ruat a. Chung chuan hemi kan Local Fund ho kha an han audit a, an han audit dawn khan a koh ngai te kovin, hemi in kohva in endik sak dawn chuan kei pawh telve ka duh a ni a tih te an awm chuan chungte chuan ziakin examiner hnen lamah leh auditor hnen lamah an audit tura te information pe bawkin. Tichuan, a telve duh leh hriatpui ve duh te pawh

chu an dilna examiner in a phai ang a awm ve nghal thei turin phalna pekna chungte pawh chu a tel zui a.

Tin, hemi kan dan hnuaiah hian examiner of Local Funds hnathawh ti chaka enfiahpui tur khan sorkarin tribunal pawh a siam thei ang a. Tin, chungte chuan Code of Civil Procedure, 1908 dan zulzuiin Civil Court thuneihna pawh an nei thei ang a. Tin, chu lovah chuan Local Bodies chauh ni lovin sorkar depts. sum vawn dan endikna dan pawh heng kan dan hnuaiah tih theih a ni bawk ang a. Tin, kan examiner te khan a hnuaia a thawhpuite nen a audit hna an thawhna report chu khami a concerned Local Body leh authority ah khan an thehltut thin ang a. An sum leh pai hmuhna leh hmanna chungchanga thil fello te chhiah leh bituk chi hrang hrang te, thil fello awm te. Tin, An hmuhchhuah leh report reng reng te kha a thuneitu hnena an pek rualin kha Local Body Authority hnenah khan an pe bawk ang a.

Tin, thil fello a lo awm chuan a mawhpurtu te chhuiin in sawifiahna tur show-cause notice an pe ang a. A tul a nih chuan chawitir sur-charge thlenga thuneihna pek an ni bawk a. Chuvangin, he kan bill hi tun hunah hian a pawimawh em em a. Tin, kan Local Fund Audit te kha pawisa expenditure eng eng emaw te pawh fee chawi ngai te a awm ang a. Chung erawh chu an audit saka te khan a fee te chu an chawi bawk tur a ni ang tih te a ni a. Thil harsa vak chu a ni lova, repeal & saving te, a hma a kan dan lo hman tawh thlakna tur a ni dawn a, chu chuan Assam Local Fund Accounts & Audit Act, 1930 kha a thlak ang a. Mahse, khami hnuaia thil lo tih tawh te erawh chu thil lo tih tawh a ngaih tur a ni a.

Tin, Rules te pawh kan siam ang a, kan remfel zel ang a. Chung dan te pawh chu a awm vek a ni. Hei han chhiar hian thil harsa niin a lang lova, awlsam taka hriat theih a ni bawk a. Chuvangin, kan member ten hei a tlangpui thu chuan sawi vek ngai lovin kan hre kim thei turah ka ngai a. Chuvangin he kan Mizoram Local Funds Accounts & Audit Bill, 2006 hi he House hian ngun taka min enpui a min ngaihtuah saka min pass sak nisela ka lawm khawp ang. Ka lawm e.

**S P E A K E R** : Awle, a bill neitu in a tlangpui a rawn sawifiah ta a. Kan sawi ho anga, kan tihdan pangngai in 10 minutes kan in pe ang a, kan leader te erawh chu kan duhsak leh deuh ang a. Tunge han sawi hmasa ber ang. Pu K, Vanlalauva'n han sawi hmasa se ia.

**PU K. VANLALAUVA** : Pu Speaker, ka lawm e. Vawiina kan bill ngaihtuah tur hi keini tan chuan thil thar ang a ni a. Belhchian erawh chu a lo dawl khawp mai a. Nichina Finance Minister-in a sawi tak ang khan section 4 na a, Auditor appoint tur chungchang thu te, section 3 na a, examine tur te-ah hian thil pawimawh tak rawn lang leh a rawn ken tel ni a ka hriat leh ka support nachhan em em chu Local Authority te auditing chung-chang thu-ah hianin a mawhpur tur atana ruat thar turin Director, Account and Treasury a ni tur te leh hemi ina thahnemngai taka auditing a beih dan turah hian ngaih pawimawh deuh ka neih chu section 6-na a special audit a tih hi a ni a. He special audit hianin tunhma atang leh tunhnai te thleng pawh a department hrang hrang ten an sum hman dan a fel tawklo a ni, scheme leh ruahman angin thil a kal tawk lo niin a lang ti a mipui hmena kan zirtir leh, kan hriattir tam tak hi special audit hi abik takin department hrang hrang te pawh an audit dawn ta a ni.

Tin a department pawh khanin keini hi nangmah-nin in programme ah min rawn hmang lo mah ulangin kan chanchin hi a thang nasa em mai, audit special-in min rawn ti teh u, tiin lehkha in an dil thei dawn bawk a. Chutah chuanin he department ho hianin special audit an bei ang a, hemi section 6-na-ah hianin thahnemngaihna thil a han sawi zawk ka duh chu, tunhnai te a kan state Sorkar-in department hrang hrang 15 lai a Buffacos sum an hman dan tarlan chungchang thu ah hianin, department-in tun tum Unstarred question-ah khan engemaw zat chu a hrihfhahna leh sawifiahna a lo lang tawh a. Khatah khanin mipui tamtak hianin scheme angin an hmang lo a ni lawm ni, engtizia nge ni? tih zawhna a awm thei awm e. Kan bill te hi lo hmang thei tawh ila chuanin special audit rawn demand ta sela, a nih leh kan Buffacos sum kha a dik lovin kan hmang reng em ni? Scheme ang lovin kan hmang em ni? rawn ti dawn ta sela, tah chiah chuanin an ni examiner ho hianin an hmuchhuak dawn ta a ni. E, a lo ni reng a nih hi an ti ang nge, in scheme ang takin in lo hmang reng a nih hi an ti dawn, tih hi a chiang mai dawn a ni. Mahse vawiin-ah tunah bill kawla sawiho chauh a ni si a.

Chuvang tak chuan Pu Speaker, he kan dan section 6-na ina department te special auditing an nei thei ang, an nei tur a ni, tih lai hi a pawimawh hlein ka hriat nachhan pawh ani a, he dan ka support nachhan pawh hi a ni a. A chhan chu Sorkar-ah in puhmawhna tam tak a awm thei a. A hre lo mipuite hnenah an hriatfiahna turin tu ten emaw han sawi thin mahselang-in an pawm nahawm zawng tak a thusawi thiam takin a an sawi si kha chuanin a diklo zawk pawh ni se langin pawm mai a awl khawp mai a.



Entirnan mai mai tunlai a special Audit phutna tlak a ka ngaih chu Baffacos tih thangva hrim hrimah pawh hian mipui tana diklo taka an hmang emaw tih theih tur a thang va an awm lek lek te pawh hi han audit ta sela chuanin Department tinin scheme an siam ang chiah chiah a an hman dan Godown repair te, godown sak te, link road te, tin, sapthei leh Iskut zam na tur lei te. Khang zawng zawng te scheme ang taka hman a nihzia kha audit hian an hmu mai dawn a ni a. Chutiang te chu a pawimawhna niin ka hria a. Hetiang hi tunah hianin hman nghal theih nise ka duh rum rum mai a. Mahse Pu Speaker, kan la khel laih laih a ni lek si a. chuvangin he dan hi keini House zahawm tak hianin kan tan malsawmna thar leh local bodies te sum leh pai hman dan a Auditing atan a tangkai tur bill pawimawh tak anih avangin hei hi ka support a ni tih House hi kan hrilh a ni e. Ka lawm e.

**PU R. LALZIRLIANA** : Pu Speaker, zawhna pakhat chauh, hriat thiam loh deuh ka nei a. Zawhna ti ila sawi fiah tur te pawh a niang chu. Hei tuna a sawi chiah mai kha section 3-na-ah hian appointment of examines of local fund account tih a ni a. Helaiah hian Sorkar-in mi tupawh a ruat apiangin a local account kha an exam theih mai kha chuan a dik dawn em ni, a thu hi ka hrethiam velo nge ni a. Aw, Any person tih lai a kha, hei hi sual thup-na atan-a account va Audit ve mai mai kha a va ang ve.

**PU LALDUHOMA** : Pu Speaker, sawi tur kan tam hmel vak lova, sawi duh ho hi hun min pe nghek mai langin. Hei kan hriat thin angin CAG in statutory audit—a tih dan hi chu kan hre bel theuh in ka ring a. Amaherawhchu, anni CAG hian kan Local Account te hi an Audit phaklo em em a, kan BDO account te pawh an thleng phaklo lutuk a. Chungin an thlen phakloh te lo hma ve tur chuan a bik takin Revenue Audit kan tih ang chi rawn hma chho tur atan tun a kan bill hi kan hmang dawn a ni a. Chuvang chuan a tum a hi a tha a, dan hlui tak mai dan tha zawk-a thlak tur-a kan Sorkar-in a rawn buatsaih hi lawmawm ka ti a. Amaherawhchu duh thu sam lo lai a awmin ka hria a. Duhthusam a ni lo chung chung pawh hian he dan kan neih hi chuan nasa takin kan ziaawm phah ang tih ka beisei a ni.

Section 2 na (iv) na-ah hian Local Fund tih hi a rawn hrilh fiah a. Hei hi a tawk lo emaw ka ti a. 'Municipal' a han tih hian municipal kan nei si lova. Kan neih hunah erawh chuan a tha ang a. Aizawi Development Authority kan tih te hi a function hunah chuan a rawn audit thei turah ngai ta ila.

Tin Local Board leh Village Local Authority han tih ah hian kei ka ngaih pawimawh em em chu kan V/c te hi an ni. Kan V/C te hian Work order hrang hrang BDO atang te, LAD lampang atang te, 11<sup>th</sup> Finance Commission leh 12<sup>th</sup> Finance Commission atang te, Forest leh Social Welfare leh Education atang tein department tam tak atangin kan Budget-a kan

pass kher loh te pawh, Central Scheme te thlengin V/C kutah hian sum hi a lut ta teuh mai a. Hei hi audit a awm ngailo reng reng a. Pu Speaker, ka rilru tibuai em em thin chu tunhma chuan official level-ah te Corruption a awm an ti thin a. V/C kuta pawisa awm ang ang, kawng laihna tur a ni emaw, fel tak leh daihzai takin an hmang thei kha a ni a. Tunah chuan corruption kan tih hian Village level hi a luhkhung ta tlat a. V/C tena Sanction leh work order an lak hi mipui chu sawi loh V/C member zawng zawng pawh sawi loh, VCP chauh leh Secretary chauhin a a hriat te hi a tam ta em em a. Chuvangin tuna kan dan pass tur hi kan V/C te account endik nan a tangkaiin ka ring a.

Tin, thalo em em chu, zep nak emaw, hei tuna hluar ta em em tuna kan Sawrkar hnuaiah hian, sawrkar sum nise, work order V/C hminga lut thlap si, Ruling Party ten an chuhpui hi a tam ta lutuk a. Tukin maiah pawh khan Ratu khua atanga report ka dawn chu Ratu V/C in Rs. 5000/- MNF unit tan a pek thu a ni, an dil zing lutuk a, tih ngaihna a hre lo a ni. MNF VCP tho a ni a, pa tha tak a ni a, hrehawm a tih viau ka ring a. Khatiang ti duh lo mi kha a ni a. Mahse, kha kha entirna mai a ni. A aia tam pek kha khaw tam takah hian a awm a. An pek that duh loh chuan, Opposition V/C an nih pheii chuan an hek a, dissolve an tum a, chutiang chuan loh theih lohvin V/C chanai te hi an chhuh sak ruling unit te hian a tam em em a ni. A tenawmin a tawp lutuk tawh a ni, tuna kan Sawrkar kalphung hi chu. Heng zawng zawng te hian tuna kan dan hi a tulzia a tilangin ka hria a. Han audit sela khatiang kha a nihzia chhuichhuak in action lak nise. Sawrkar hnathawkin thil a tihsual chuan chawpleh chilha suspend-a action lak zui a awl em em a. V/C tih ang te leh Civilian hoina thil an tihsual chuan a in suspend ve theih si lohva. F.I.R. te thehlut a, Case te tih rup lrup loh pheii chuan action lak hi a har em em mai a, chung atan chuan heng audit hi kan hmang tangkai ang tih ka ring a. Tin, chu mai ni lovin, kan MLA Fund te, MP Fund te pawh hi Audit a tha, Local Fund vek an nia. Pu Speaker, ka Fund hi Rs. 10,000/- chu Ruling pa pakhat inti V/C deuh mai hian a ciru fel der tawh mai a, pawl ka ti khawp mai, a tlem tehlul nen.

Tin, Village Education Committee te a lo awm a, VFDC te a lo awm a, BPL Committee te a lo awm a, V/C ai mah mah in sum an khawih tam tawh a, BPL Committee te hian chung Fund te chu Audit a ngai a. A fund chu sawi loh, a BPL ni tur pawhin Tlungvel Bialah chuan Pu Speaker, MNF nih a ngai a, BPL va nih nan khan, a buaithlak lutuk tawh, chuvang chuan a dik lo nasa thei khawp ang tih a chiang sa in ka hria a.

Tin, VFDC sum te hi Audit an ngaihzia chu hei zawhna ka zawt a, zawhna 31-na a lo nia a chhanna ka dawng a, kan Minister zahawm tak hian lo hria se ka duh a. VFDC Chairman te leh Secretary te inremsiam na in Secretary te hian Chairman Seal an kawl a ni tih chhanna min pe a. Privilege-ah ka la dawn emaw ni aw ka ti hial a ni. Pu Speaker, Forest hotu Lalber hnenah inremsiamna in he Seal hi kawl an nih loh zia leh tih luihna a an lo kawlsak a nihzia hi ka hrilh daih tawh a. Chuvang chuan ka inrawlh ngai lovin lo chingfel mai rawh u aw ka ti a, chumi hnu chuan he zawhna hi ka zawt zui ta a ni a, chhanna dik lo tho tho privilege a tlingin ka hria. Chuvangin, ka thin a rim viau a ni.

Darlawn-ah kan VFDC Chairman elect chu Pu Tlangthankhuma, buanchak VC Member, ZNP Block President ni bawk a ni. A Seal hi a la hmu lo reng reng a, Secretary in an kawl daih, Official te'n, chuvangin Audit hi han kal ta sela a tih ni miah lo kha a lo ti teuh dawn a ni, Seal a kawl si lo, sanction engzatnge a hre ve reng reng si lo, an hmanna pawh a hre ve si lo. Chu chuan corruption kawngkhar hi a hawng nasa lutuk a, heng fund te hi Audit a ngai ngawih ngawih a ni.

Chuvangin, kan Minister zahawm tak Forest changtu a awm bawk a. Ka bial chhunga Secretary te'n Chairman Seal an kawl zawng zawng hi kar leh atang chuan pe let leh vek turin action min laksak turin ka duh. Nia, khang te kha Audit ngai ka tih chu a ni. AWDP Sum te hi a ni audit ngai ni, Committee an awm ve bawk a, an in thlang a, an term ral hma in tu te'n emaw an rawt a, inhrih kim mang lo te in Committee te an ko a. Sum tam tak tak a lut a, Beneficiaries ten an dawng lo a ni tih pawh kan hria a. ART hnuaiah te pawh kan la chhuak a, an khuaah te kalin kan zawt a, dawng lo dawng anga ziah te pawh a tam em em a. Hengte hi Audit ngai ngawih ngawih a ni. Social welfare hnuaiah NGO zawng zawng sum te hi Audit a ngai a ni.

Section 6-na ah kan kai ang a. Special Power tih lai hi, kan hman tangkai ber tur lai a ni a. Section 2-a a sawi bak hi audit ngai dang lo awm ta sela Section 6 hmang hian kan tih tir thei dawn a, hei hi a tangkai em em na a ni. Tin, tuna kan hman mek Assam dan hnuaiah pawh hian ka hriat sual loh chuan Deficit School leh College te leh Adhoc Aided School te Account hi an khawih sak reng niin ka hria a.

Tin, Chhinlung Hills Development Council sum te pawh hi Local Fund-a ni a, min audit sak sela. Tunah hian Development Council-ah hian Vice-Chairman ka ni a, kan Chairman chu a lehlam zawngin Ruling lamin Tlungvel bialah an Campaign tir mek a, kan tan lam a in ang lo va, a buaithlak khawp mai kan fund te pawh hi a chingpen ang tih ka hlau khawp mai. Chuvangin heng SHDC fund te, District Council Fund te leh BDO ina a sum hman zawng zawng te hi audit a ngai a ni. Tunah hian BDO tam tak kan nei a, kan Auditor neih chu 5, 6 vel an ni a. Engtingge B.D.O. account hi hengho tlem te hian an audit theih tehlul ang ? Staff an tlem lutuk a, he dan kan pass rual hian staff tam zawk kan mamawh a ni tih kan C.M. pawhin min hriat sak sela ka duh a ni.

Tin, CAG report pakhat ka chhiar-ah chuan Mizorama BDO Office Audit hovin Auditor an tlem lutuk, Auditor pek belh a ngai a ni tih hi Audit para-ah an telh tawh nghe nghe a ni. Chungte pawh chu kan bawhzui a tha in ka ring a. Qualified Auditors tam iak nei ve ila, a tha hle ang. Chutiang ang ti tura kan tih lai chuan SLMC (State Level Monitoring Cell) kha a pawimawh em em a. Rural Development hnuaiah hnathawh chi PMGY leh PMGY chi zawng zawng kha an inspect a, inspection hote tlawhchhan chuan audit hi awlsam takin a kal thei dawn a. Mahse kan Rural Development Minister zahawm tak hian chu chu hnawk a ti a, SLMC chu Chief Minister hnenah, "ka pu min thiat sak vek rawh, sawn darh vek rawh," a ti a. Note a siam a, kan

Chief Minister lah chuan a lo approved hmak mai si a, SMLC chu an sawn darh vek ta mai a nih kha. A document pawh Session hmasa-ah ka pharh vek kha. Rural Development hnathawh a takin a kal nge kal lo tih endiktu tur chu Rural Development Minister-in a ngai thei lova, tunah chuan sawn darh vek an ni. i note lam khan ka nei vek, Press zawng zawng pawh ka pe vek tawh, an hre vek. Kan nei vek, i ziak chiang khawp mai. An hna an thawk a, i hua a nih kha 4 % i deduct tir te, Lawngtlai Building sakna tur i lak let tir te kha, a receipt nen ka nei vek. Chu chu i duh lo va, i sawn darh tir a nih kha. Chuvangin engtingge pawisa i lak let te chuan hna an thawh theih reng ang? Lunglei BDO te, Hnahthial BDO ten Mirethei, hmeithai tana IAY insakna tur, sa miah si lovin, sa angin lo ziak fel vek rawh, ti a pawisa in chhuhsak te kha, chu chu ka sawi a ni hlei nem, inspection note a mi vek, RTI hmanga ka lak a sin, chu chu a lawm, engahnge in thiat? Endik in duh lova, in sawn bo a ni. Mahse, vawiin-ah he dan hmang hian kan Audit tho ang, hun a kal zel ang, heng zawng zawng hi House-ah prove theih in a document nen a awm vek tawh a ni.

Awle, nichina an sawi ang khan BAFACOS sum te endik a tha ang. Tin, kan duh chuan department pangngai sum pawh tul kan tih chu C & AG Report nghak kher lovin, he department hi chu kan Local Audit ho hi i endik tir ang u, tiin Sorkar in tul a tih ang ang chu a tih tir thei bawh ang a. Awlsam takin a result up-to-date takin kan nei thei ang a, a tha em em dawn a ni.

Tin, C & AG-ah te pawh hian heng Local Audit note hi an pe ve thin tho va, an thawk tlang dawn a. Pu Speaker, ka duh chu, C & AG Report PAC ten kan thlir thei ang hian he kan Local Audit pawh hi PAC rawn thleng thei hian tih ni se PAC ngei hian en ve thei se, a tha hlein ka ring ani. Chutiang Provision chu he Bill-ah hian a tel tlat lo a ni.

Le, sawi tur ka ngah khawp mai a, bill-te a lo rik tawh si chuan, a tawp nan-nimina kan Member ten an ngaih pawimawh em em protection of action taken in good faith tiha, a good faith lai tak kha an ngai pawimawh hle kha a ni a. Chu chu he danah hian a awm ve lova, a tha ka ti lo khawp mai. Eng dan pawh hi neiin pass thin mah ila, Good faith-a kan implement loh chuan engmah a ni leh dawn chuang lo. A awmsa te pawh thiat darh duh mai mai Minister-te kan neih chhung chuan dan tha hian awmzia a nei dawn lo. Chuvangin, Good faith lova thil kan tih PMGSY hnuai mipui kawng laih na tur party fund-a percentage lo khawn mawlh mawlh-te kan awm tlat hi chuan, kidnap case a nihna ang tura investigate duh miah lo Good faith-a hna thawk duh miah lo Home-Minister-te kan neih chhung hi chuan engtingge ni ang? Chuvangin Good faith tih lai hi hawrawp puiin he danah hian i dah teh ang u, tih ka rawt belh a ni e. Ka lawm e.

**S P E A K E R**

: Sawi duh dang kan awm tawh loh chuan kan wind-up mai dawn em ni ang. Awle Pu Andrew Latherliana i sawm ang.

**PU ANDREW LALHERLIANA :** Pu speaker, ka hmaa sawitu Ratu Bial tu kan MLA zahawm tak sawi kha ka rawn thlawp hle a. Tin, he bill rawn puluttu kan Chief Minister zahawm tak hi thil tha a duhna avang hian a lawmawm ka ti a, lawmthu ka sawi duh bawk a ni. A pawimawhzia ka hma a mi khan a sawi tawh avangin tam tak kha repetition a ang ang tih ka hlau deuh a. A hmaa kan Saitual bialtu zahawm takina a rawn sawi leh a hnua Ratu bialin a rawn sawi lai lak kawp tur ka nei a. Chu chu a clause 3 na, 'Appointment of examine of local fund account,' a tih-ah khan kan Minister zahawm tak rawn pulut tu khan Director Account & Treasuries a ni mai ang deuh khan a rawn sawi a. Khami a nih rual khan 'any person' tih kha a awm leh tak avang khan ka ngai pawimawh a.

Tin, Ratu bialtu zahawm takin 'protection of action taken in good faith' a tih te a pawimawh zia te nen khan lakkawpa sawi a ngaiin ka hria. Action taken in good faith a officer-ten hna an thawh tur hi Mizoramah chuan a ruling lampang emaw thil tithei lampangin emaw kan duh loh zawng a nih chuan hnathawk ngam mang lo hian an siam thei tlat a ni. Official-te an lo nih pheii chuan anmahni Career thleng khan a tihchhiat theih dante pawh a awm tlat avangin, hemi account audit chungchang thu-ah hian. chung chuanin hna an thawk dawn a. Amaherawhchu rawn vautute an awmin khami te kha lo "protect" na a awm miah loh chuan hna an thawk ngam dawnlo tlat a ni.

Chuvang chuan hna an thawh ngam ngei tur khan kha kha awm se ka duh a ni. Kan officer-te hi an fel em em a, ex-officio account auditor-ah te ruatin hna an thawh dawn pawhin rilru tha takin an thawh theihna tura an free "Conscience" (chhia leh tha hriatna thiing tak) hmang thei-a an awm theihna turin, an 'action taken in good faith' kha protect sak a ngai ta a ni. Chuvang chuan kha kha a pawimawh em em a ni. Chumi a nih chuan kan Officer fel tak tak Corruption duh lo te hian hna tha tak an thawk thei dawn a. Chumi chu a awm lohna tur hian hei hian kawng a hawng tlat mai. Any person, tih ringawt mai an ruatah khan mihring Conscientious vak lo (chhia leh tha hriatna hmang vaklo) Party lam ruihchilh tak-a hmuh duh lam hmu thei deuh hmuh duhlo lam hmu thei lo tlat ang chite pawh hi hetah hian a appoint thei ve leh si. Khami kha a action kha taken in good faith ni lovin hna a thawh theih tlat si chuan kha kha differentiate a ngai ve leh ta.

Chuvangin khang ho appoint theihna tur mitha lo appoint theihna tur kawngkhar inhawanna niin a rin theih rualin tihpalh loh deuh pawha keimahni duh dan facilitate nana hetia kawng zau huau a kan dah te pawh hi a nih chuan a pawngawt ang. Chuvangin hei hi any person ti ringawt lo khanin qualify bik emaw, nichina a ni mai alawm tih a rawn puluttu kan Minister zahawm takin a sawi te kha, official-te kha chiang kuang taka dah te kha a tha mai lo maw, tih kha rilru a a lo awm a ni.

Chuvangin khalai-ah khanin engemaw debatable tak mai kha a awm avangin tihfel a ngaiin ka hria. A dang leh-ah chuan hei bialah lo han let chho ve ta ila SGRY miretheite tana inhlawhfakna tur Scheme

te hi, hman dik loh a ni tam em em a. Kan House ah te pawh kan sawi thin a ka bial ngei-ah te pawh SGRY, VCP tena an ei tawp tawp te, a tam em em a, vawihnih vawithum, hei Chalrang khua-ah te ngei pawh, vawikhat kan report tawhin ka hria. SGRY te kha engemaw... firm, hming diklo "Organisation" hmanga an pekah. Amaherawhchu, Minister in tirawh min tia lawm tih tlat vanga, an pek pawh kha a theih, an investigate ngam loh te a awm a ni. Chalrang SGRY hman dan te pawh kha a dik tak chuan auditor fel tak te chuan chhui ta seng chuan, a midik tak an mualpho loh laiin, midik lo an mualpho dawn a, kha kha Mizoram tan a tha a ni. Midik lo tih mualpho hian hnam a khalh ngil tlat mai a. Chuvangin hei Bill pawimawh tak mai hi a tangkaina lai tur hnam tan ro a nihna tur kha a ni. Chuvangin khang zawng zawng an sawi te kha, hei tunah pawh hian local fund-te khawih tur a tam em em a.

Tun tum kan MP Fund, MP inthlan laia, Constituency titha berte lawmman atana MP fund ka biala MNF hruaitute an pek te kha an hman dik lohna nasat zia mai chu, MP kha chuan a hre awm si lova. Tin helai DC. ten an chhui lo nge ni ka hre lova, khang te kha rapthlak deuh mai a ni a. Khatiang MP fund kha kan bial-ah te an hmang ta a. Election-a an chet that lawmmanah an pe si a. An insem vel a, a hmanna a dik lo em em a. He dan hi lo awm tawh se chuan MP fund te hi Election-a kan chet that ngawt avanga lawmmana in pek theih loh a nih kha a lo lang dawnin ka hria. Chuvangin a tha em dawn a ni. Vawiinah hian hei kan hotupa hian thil tha a duh a, ziktluak taka thil tha tih duh hi a puitlin theihna turin kha suggestion ka neihte pawh min lo chhinchhiah sak sela a tha in ka hria, sawi tur tam hle mah sela ka sawi tawh lo mai ang. Ka lawm e.

**PU LALHMINGTHANGA** : Pu Speaker, ka lawm e. sawi tur tam vak pawh ka nei lo. Amaherawhchu, he dan hi kan ram leh hnam, mipui te tana tangkai tak tur Dan a ni a. A hman lamah sorkar a active a ngai em em a. Tin, a hma lamin Assam dan kha adopt a ni a. Kha kan mover pawhin, kan House Leader pawhin a rawn sawi lang tawh a. Kan hmang tangkai tawk lo deuh hlek ni te pawhin a lang thei a. Chuvang chuan hei hi kan siam chhoh va kan pass hnu-ah hi chuan tangkai taka hmang turin Sorkar-in thilung a put a, hma a lak chhoh a tulin ka hria.

A dan thu ngawr ngawr-ah hian sawi tur tam ka nei lova. Hemi Section - 2 a definition hi a Local fund definition-ah hian Municipal Board tih te, Town Committee han tih te, Local Board han tih, khatiang ang ho kha thil kan la nei chian loh a ni a. Village Authority han tih te hi Village Council tih law law te pawh in dah kha a that hmel riau a. Kha lo pawh authority danglam tak a awm ta tho va, awm phei chu. Amaherawhchu, chiang deuh hleka zuk dah kha a tha awm mange tih ka rilru-ah a awm a. Tichuan, tah hian sawi kim loh a tam hle mai a. Ka hmalama Ratu bialtu in a sawi tak ang khan hemi Village level a authority hrang hrang ten sum leh pai an dawn hi tunhnu-ah hi chuan a tam ta em em mai a ni. Chu chu an ni kha a grassroot level an ni a, field tak taka implementation agency an

lo ni ta a. chutahchuan Corruption hi a hluar lutuk tlat ringawt mai a. Chuvang chuan, a rules siam hunah hi chuanin khatiang ang chi hrang hrang ho, board han siam te, Committee han siam te, Department-in a agency atana a zuk hman si, hengho-a hi a rules-ah chuan specific deuh maia, a kim thei ang ber-a ziahluh ni ta selangin a Act-a hemi a kimlo ho pawh hi. Hetah Power to make rules tih kha a tawp lamah khan Acts dang ang thovin kan nei a. Chuvang chuan hemi Section 16 na-ah khan Power to make rules tih khami-in a supporting rules siam leh hunah hei chu famkim taka ziakluh law law ni selangin, a tha in ka ring deuh a. Chuti a nih loh chuan heta 'any fund declared by the State Government to be a local fund for the purpose of this Act' tih lai-a te hi Rules lamah khan kim taka tih theih ni ta se, a tha in ka ring a. Chu chu ka'n sawi rik duh lai chu a ni a.

Tin, a dang leh-ah chuan, khang body hrang hrang ho kha, Audit an lo ni dawn ta a. Chumi a Audit report-a chu a concern Department-ah te, a concern body-ah te khan pek tur a ni ang a. Tih ngai loh a ni nge ni ka zuk chiang lova, engatinge...he mi Act ah hian khata defaulter ho kha Penalty Clause a awm miah loh chu le tiin ka rilru-ah a awm a. Audit law lam pangte kan chiang tawh lova, kan fel tawh lova, mahse khalai kha examine tlak a ni awm mange, a chhan chu Audit para leh Objection a awm ringawt a. Mahse local body tam tak kha autonomous deuh tak te pawh an lo ni dawn a.

Tin Government Servant ang-a regular a office puan ve si lova engemaw Term lai te a khami thiltih-theihna va keng mai a kha an ni dawn a. Entiran Committee hrang hrang tuna kan han form ang chite pawh.

Tin, Village Council-te pawh hi kum 3 Term emaw a ni a. Chuvangin Audit law lamah hian Department ten Audit para atanga Proceedings kan draw up na tur te khatiang ang kha a awm teuh laiin local bodies bik ah hi chuan Penalty clause hi a awm loh chuan, a thawh tur ang khan a thawk lo mai awm mang e, hlau tur a te pawh khan an hlau vak awm lo mai thei mang e, tih te kha ka rilru-ah a awm deuh a. Chulai chu kan Sorkar leh hetiang ang hrechiang khan zuk en ta selangin, amendment lam ah te khan la tin leh theih chi a ni em? tihte kha ka rilru-ah ka nei a.

Tin, Ratu bialtu zahawm tak khan a sawi tawh a, CAG report te ang-ah hi chuan Department-in an buai an buaipui a, Audit para te, chung ang-a clear phak tawh lo leh tih ngaihna awm lo kha Public Account anih tlat avang leh a authority chu State Legislatures emaw, Parliament emaw a nih tlat avang khan PAC-ah a rawn refer ta a. PAC khan Final Conclusion a nei thin a ni a, hetah pawh hian local bodies hi official-te ai hian a la pawimawh leh zual lawm ni le, regular office vuan ve lo tam tak kha an awm dawn a, chuvangin engemaw thil khirkhan zual ang kha chu PAC a thunluhte pawh kha thil tha tak a ni awm mange, tih ngaihtuahna te ka rilru-ah a awm ve tho mai a, khalai kha ka han sawi chhuak ve a. kan Sorkar ten engtinngan an thlir ang tih ngaihtuahna an lo hmanna atan rilru-ah a awm bawk a ni. Chung chu a Point kan sawi duh lai ho kha chu a ni mai a, a dangah hi chuan sawisel tur pawh ka hre chuang lova a tha ka ti a.

Tin, kan ram dinhmun han ngaihtuah hian kan mamawh ngawih ngawih tawh a ni mai a. Tin, audit hi a tha hrim hrim mai a. A hminga Finance Minister ka nih ve laite pawh khan Test Audit-te hi kan ti thin a, khatiang ang Test Audit han tih maite pawh khan Department hi la tul deuh nia han hriat han tih khan a fill-up tha viau hian ka hria. Chuvang chuanin hetiang anga Public pawisa kan hmanna a chinchang chiang zawka eng/kim kan zuk hriat theihna zawk tur dan kan han nei chho, a hma pawhin kan nei a mahse kan Conscious lutuk lova, tuna kan han nei chhoa a thara hma kan lak theih chuan hei hi kan ram leh hnamin nasa takin a tangkaipuiin kan administration kal chhote leh kan sum hman dan hi tha zawkin a hlangkai ang tih ka ring a, chuvang chuanin he bill hi ka rawn support viau a ni. Kan Legislature Party pawhin kan support khawp a ni tih kha ka'n sawi duh a ni e.

**PU H. LIANSILOVA**

: Pu Speaker, ka lawm e. Tlem he an Bill sawiho na a han sawichhuah ve awm ka neihte han sawihchhuahna tur remchang ka nei a. Pakhatna-ah chuan

hei tun tum kan Session hi a tawi hle na a, dan pawimawh tak tak pali kan pass dawn a, a lawmawm hlein ka hria a. Nimin lamahte pawh ka sawi tawh angin dan tha neih leh dan tha siam hi kan mawhphurhna niin, tin, mipui lam atang pawhin media lam atangte pawhin helaiah hian min kaw k deuh hlek a niin a lang a.

Tin, hei hi kan hna pawimawh tak a nih rualin kan thailan leh duh kher kher chu a dan hi Sawrkar atanga rawn putlul chhoh a nih rualin a Sawrkar-ah pawh a Minister a Ministry-te ai mahin kan office Senior-te ho kut thlakna tur pawimawh a nih avang hian helaiah hi chuan kan lo sawiho a kan ngaihdante kan thawh a ni tawh mai a. A chhiat a that leh, dan kan pass, dan pawimawh kan neih tur leh kan mamawhte kan neih thui thui theihna tur chuan kan Department leh Sawrkar kan Senior officer te chak leh chak loh na thui tak chu a inngat thei ang tih hi kan sawi nawn duh a ni.

Tin, vawiina kan dan, kan bill han sawiah hian dan dang kan ngaihtuah ang khan a preamble hi a awm lova, he dan hi pass tura bill rawn siam a nih tur hi tarlan a ni phawt mai a. chuvang chuan helaiah hian a preamble dan pangngai ang kha chuan lo awmin a kawh zawn leh a tum a te kha thil hriatchian na chu nimah sela lo tel sela chu famkim leh zual tur a ni a. Amaherawhchu kan hriat chian-sa a ni a khatah kha chuan kuai tel sela chu a famkim leh zual tur a ni a. Mahse kan hriatchian tlan sa a ni a.

Tin, a pahnihna-ah chuan a dan han en hian Sorkar in tul leh pawimawh a tih-ah khan Audit hi kalpui mai tur chauh angin a lang deuh a. Statutory Audit kan tih ang deuh-a Annual emaw Auditing-a hi local fund a ni, tute pawh a Audit staff lam an indaih phawt chuan kum-tin a nih loh pawhin zing taw k reasonable Internal a Audit tur a hi a lang chiah lo a. Chulai-ah chuan a ruie lamah kha lai chu rawn hnawhkah turte pawhin beisei ta ila. A Bill-ah hi chuan awm se tha hle-in ka hria, kan hriat chian ve atan-ah pawh chu chu ka tarlang duh a.



Tin, Section 3 leh 4 ah khan Auditor appoint chungchangah khan 'any person' tih kan Member thenkhat-ten an ngaimawh thu an sawi a. Underline a ni alawm kan han ti bawk na a, a dan pui l a Bill ah khan lut nawn ila chu a tha tur a ni a. Financial memorandum-ah khan Director of Account & Treasury hi Examiner of Local Fund and Account a ni zui nghal ang tih a ni a, hriatthiam sa chu a ni na a, mahse, statutory tlawhchhan nei a appointment siam thu-ah hian Director of Account & Treasury hi tuna Assam dan kan hman lai-ah pawh khan Examiner of Local Fund kha ni thin a ni a UT lai kha chuan. State kan nih hnu hian Sorkar lamah ka awm tam lutuk lova, khalai kha a dinhmun chiah ka hre lova.

Chuvang chuan helai-a 'any person' tih hi nichina kan hotute sawi ang deuh khan engemaw ti zawng-a a dan hi a zia ang anga kalpui a, a Director, tute emaw rinloh zawng emaw lam hi min hawipui lo deuh ang tih pumpelh-na atan a tu emaw appoint theihna tur in hawng-a, chu leh lamah chuan dan a nih angin hrut rual vek se chuan Director of Account & Treasury kha appoint hran pawh ngai tawh lo in khatah khan a nihna tur kha dahluh mai ni ta se chu a fel zawk awm mang e. Helai-ah hi chuan tunah chuan chak takin thil a kal turah ngai ila. Loop-hole engemaw, nakinah kheuhbeuh taka thil inkalpu a, kan Politics te hi a tha lam tur a kan beise: laiin, khatiang zawng hawi khan thil kal thei a ni a, khalai loop hole lo awm leh tunah a nihna anga kan hman tur pawh Financial memorandum a kan ziah tho tho hi chuan any person tih aiah khan appoint tawh sa kha dahluh mai chu nise chu a him tha zawk turah ka ngai a.

Tin, chulo-ah chuan audit report-ah khan ka hmaa kan hotute khanin an tarlang tawh a. Audit hi auditor ten an han report ta a, tichuan anmahni director-ah an en mar a, chutiang chuan a Department concerned-ah khan a audited officer-te nen khan lo hmuh a ni ta thin a. Chuta tang chuan a fel lo emaw, tih that ngai emaw thil serious awm emaw kha chu bawhzui a lo ni ta thin a. Tunah hi chuan kan dan section 9-na-ah khanin auditor khan an han audit ang a, a report-a kha examiner of local fund hnenah khan thelut tur a ni a, a bak kha sawi a awm ta lova. Khalai tak-a pawh kha kan dan neih purpose a kha helaiia kan tawp mai a nih chuanin va audit hrim hrim a Director of Accounts & Treasuries a tawp mai tura anga a chhum bung ta a kha a tawh lo angin a lang a. chulai chu nichina an sawi chuhah loh a kha a ni a. Khalai tak a kha a famkim tawh lo hle in ka hria a.

Kan dan tha tak a hi a tum kan sawi tawh ang khan a purpose leh a object a direction lak tur lai tihchianna tur laia khatia a chhum anga awm ta mai-a kha a fel tawh lohna, a famkim lohna lai tak chu niin ka hria. A dan siamtu-te pawh hianin ngaihtuahna rinsa an nei a, chuvang chu a ni mai thei a. A ziaka khatia tawp mailo deuh khan kan tum-a kha lang ta se a tha awm mange. Hei, Accountant General Office atang pawhin Department hrang hrang an rawn audit ta a, a audited office a ten an audit report kan lo hmuh bakah a sang lamah a kal a, tikhan kan insawi fel theih loh chu a kal chho tur awm ang-a kha rilru-ah chuan a awm a ni mai thei a. Mahsela helaiiah hian hei aia famkim deuh zawk kha awm sela chu a tha hle a, amaherawchu, nimin lamah kan dan kan sawi hovah te khan enggemaw defect a

lo awm a nih pawhin amendment dan anga luh pui loh kha chuan a remchang tawh thin lova.. chuang chuan helai hi kan hotuten lo hriain a Rules lam atangin engemaw tia tih famkim dante a awm em lo thlir se a thain ka hria.

A tawpna ber atan chuan ka sawi duh chu auditing hi annually emaw regular interval emaw a neih turin lo ngaihtuah ta ila. Tuna Director of Account and Treasury a kan auditor strength hian a phalo hrim hrim dawn a. Kan dan hmanna tur tak tak a nih avangin sawlaia saw kan mamawh ang tak hi chu kan phalo a nih pawhin kan theih tawka kan tih chaka kan tih pun a ngaiin ka hria. Chuang chuan audit Section lai bika saw, nasa taka kan tih pun a, tin, a Director of Account and Treasury hrim hrim pawh hi pension-te a pung zel a, kan tam zel a, an hna saw a hau taka kan duh mamawh ngawih ngawih si a.

Chuang chuan tihchak leh tihpun saw, kan hotuten kan sorkar hian hnaah lo nei se thain ka hria a. Hei tuna pension ngeia pawh hi office va tlawh hi pension tawh hnu hian a lo zahthlak khawp a. Kum li hnuah hian ka pension hi a fel chauh mai a, an buaipui reng chu a ni chungin, keini aia harsa ti kha tam tak an awmin ka ring a, kan lo awm theih tawk tawk chuan tibuitu va nih pawh a in thlahrun-thlakin ka hria a, min ngai pawimawh khawp a, an tul dan en sawn engti kawng zawng pawh sawn a ngai a. Hetia audit hna zau zawk kan pek dawn phei chuan kan Finance Minister Chief Minister a ni hlahu bawk a, a let tam fe a ti-pung tura proposal pawh umzui nghal a tha awmin ka ring a. Ka lawm e.

**S P E A K E R** : Hei chawhma hun minute 20 a la awm a, sawi duh dang kan la awm em? Pu Lal Thanhawla.

**PU LAL THANHAWLA** : Pu Speaker, Hei, The Mizoram Local Funds (Accounts & Audit) Bill, 2006 hi hemi tuna kan situation han en chuan a tuah hle tawh a. The Assam Local Funds (Accounts & Audit) Act, 1930 hi a rei tawh hle a, a thing tawh hle a. Chuangin kan Bill ngaihtuah hi a hun hlein ka hria, a lawmawm ka ti a. Tin, han keu neuh neuh hian a tha lo tih lai tam a awm lova, nichinah kan hotuten fel tak leh chiang takin an rawn sawi tawh hlawm a. Ka sawi duh tam tak an sawi tawh, ka sawi nawn vek dawn lo. Hemi-a auditors-ah hian fimkhur a ngai a. Tin, auditor-te finding-a kha lo examine-tu tur chu tupawh ni selangin engtianga punish tur nge ni ang tih laia kha chiang loin ka hria a. Amaherawhchu Rules-in a rawn take care ang kan tih chuan ka pawm mai a. Minister zahawm takin an lo hriat ve reng reng atan kan sawi duh a. Member zahawm tak Pu Zira'n a rawn sawi Section 3-a mi "appoint any person" tih kha khatiang ngawt kha chuan a duhawm vak lova, Any person kha kan duh tui ang, in good faith in an ti ang tih chu ring mah ila, a mizia kha khawi atanga

va lak tur nge tih kha a chiang lova. Helai Section-7 naah hian 'Every auditor and examiner of local fund Account appointed under this Act shall for the purpose of the powers and duty conferred and imposed upon him by or under this Act be deemed to be a public servant within the meaning of Section-21 of the Indian penal Code' a rawn ti a. Hemi awmzia hi chu Public Servant, Politician-te leh sorkar Official-te nilo rinawm takah ka zu ngai ringawt a. Hemi IPC Section-21 hi keini ang duang chuan kan zu hre pha ve tawh lova. Public Servant a han tih atang khan, khati a nih kha chuan a fuh ber angem aw, ka han ti a. Chuvangin heta Financial Memorandum-ah hian Examiner of Local Accounts chu Director of accounts and Treasury tih a nih avang khan tuna Member zahawm tak Pu H. Liangsailova rawn sawi ang khan hemi Auditor-te kha ni turah kan ngai a, chulai chu ka chiang lova, amaherawhchu Member tam takte rawn ngaih pawimawh lai a nih avangin a Rules atanga take care theih tur niin ka ring a.

Tin eng hun leh engtikah nge audit thin an nih ang tih kha. Hei nichinah a subject turte kha kan hre nual tawh a, V/C te, thil dang dang tunlai hian audit ngai lo aram hi a awm lo hrim hrim mai a, kan fund hman dan zawng zawng hi, engmah hi a tha lo a ni tih hi Zoram mipui hian kan hria in ka hria a. Chuvangin a bul intanna, tawng mawilo ni losela, a hniam ber, grass root level ami chu Village Council te hi an ni a, V/C hi khawi khua-ah mai pawh hian complain a awm em ni chu aw, tih tur a ni a.

Tin, complain a awm lohnaah pawh Ruling party V/C--te an nih loh chuan thiah tuma veh reng hi an ni ringawt mai a, an khawngaih-thlak hle a. Chuvangin V/C dinhmun siam that-te pawh hi kan sawi thin a. Chutih rual chuan Corruption a tamna ber pakhat a ni a, a amount a tam lo a nih pawhin Corruption chitin reng hi a awm ve a ni. Chuvangin, a chung deuhah BDO Office-te a nih pawhin kha kan sawi tawh a, kan hre tawh a, M.P. Fund hman dan te anih pawhin D.C. te purview ni mah sela, helaiah tualchhungah hman dik lo a ni tih kha mipuiin kan hriat si chuan rilru a na a. Khawtlang a nghawng a, khang ang chi kha zuk hlawm vek turah ka ngai a, Local Funds tih kha chuan. A pawimawh ta bera chu a periodicity eng ang Interval-ah nge ni ang tih a ni a. A lo berah half yearly te hi chuan tih ngei ngei turah ka ngai a, thenkhat pheih chu a Volume a zirte pawh a ni ang a, Quarterly a Audit ngaite pawh an awm dawn a ni. Thil tha kan duh tak tak a nih a, a dik kan duh tak tak a nih chuan.

Chuvangin, khang thlengte pawh khan helai hi inziak lo mah se, a Bill Body-ah hian a Rules-ah ngaihtuah tel ni se tih ka'n duh deuh a. A auditor te pawh kha tuna hetia kan zuk en hi chuan a chianguang vak lova. Public Servant han tiha kha Government Official nen a inang em ? IPC Section 21 hi keini ang duang chuan kan la chhiar ngai lova. Tute chiah nge tih ka hre lova. Engpawh chu nise, mi rinawm, tham theih loh. Auditor-te kan tawng fova, tual chhung leh rampawna neite pawhin duhthu an sam lo hle. Lei theih an tam hle a ni. Chung thleng chuan thil tha kan zawna kawngah sum leh pai hman dik kan duhna kawngah kan zuk ngaihtuah a ngai a ni. Hemi a Bill a awm lo kha a Rules-ah rawn telh dan ngaihtuah a tulin ka ring a.

Tin, a hremna hi chianguang takin awm thei se thain ka ring a. Thil tisuat dangte IPC khawi ah emaw hrem theih a ni ang. Fine a ni ang tih ang chi a kha. A Nature of Crime emaw, a Misdeed atang khan ngaihtuahin a Bill Body-ah awm lo mah se, Rules-ah tel sela tih ka duh a, Typing Mistake chhe te te, thu - Entirnan, Audit Report tih, Section 9-ah 'Who' tih tur 'He' han tih ang chi te tih loh hi chu a tha tiangpui a kei pawhin ka support-a Execution erawh chu tha taka execute a nih theih nan Rules atangin rawn nemnghet se tih ka rawt a ni. Ka lawm e.

**PU S P E A K E R** : Sawi tur dang an awm tawh loh chuan a changtu Minister kha wind-up turin sawm ila. Chawhma lam hian tun tum kan Session chu kan zo thei mai dawnin a iang e. Wind-up pahin sawifiah ngaite a rawn sawi anga, pass rawn dil nghal bawh seia, a tha ange.

**PU ZORAMTHANGA CHIEF MINISTER** : Pu Speaker, ka lawm e. Hei kan Mizoram Local Fund Account Audit Bill hi a neih chu Assam ta kan chhawma kha chu kan nei a, hei reife a rei tawh khawp mai a, kan han hman tak na a, a remchang tawh manglo, a then phei chu Provincial tih vel 1903 a mi vel kha a ni a. Tin, a kaldan pawh hi a mumal lo em em mai a, chuvangin keimahni mila engemaw a tawng kan han siam danglamte bakah engemaw deuh hleka han remkhawm a tula, chumi mila kan han remkhawm chu a ni a, mahse chuti-chung chuan ngun taka kan Legislator-ten kan sawi kan sawi khan keipawhin ka ngaihtuahna-ah thil thar min pe a, nakinah chuan thil tha kan duh vangin amendment siam pawh kan duh leh hmel a ni, tih ngaihtuahna min pe khawp mai a.

Chuvangin tunah hian kan han sawi atang leh nakinah kan han practice anga, a hmangtute rawtna atang leh keimahni Legislature leh midang mithiam zawkte ka atang pawhin amendment tha zawk tur pawh hi rei vak lovah hian chherchhuah tur kan hre awm mange aw, tih ngaihtuahna min pe khawp mai a, amaherawhchu, waviin ah chuan tuna kan neih ang ang hian kan Member zahawm tak ten a tha e, tiang hian ti phawt mai ila, a tul angin kan siam tha zel ang chu, tih an rawn sawi ang khan han kalpui ta phawt mai ila, a that ka ringa. Pakhatna-ah chuan hei preamble a nei lo viau mai a, a tawi naa neih chu a nei ve ania. Assam ta kan lak ang tak khan, to make better provision for audit and safe guarding of local funds in Mizoram tih kan nei ve a nia, kha kha tawi fel takin an dah a ni tih kha kan sawi leh duh a.

Tin, kan Member zahawm tak Pu Zira'n a tirah auditor-te hi tu ang nge maw a nih ang le, a tih ang khan tuna kan han sawi khan a chiang turah kan ngai a, hemi kan Auditor neih pangngai tur hi ani

mai a, midang a thiamlo han inruat ngawt chi kha a ni lova, kan Auditor neih pangngaia te kha hei chen a kal leh zel tur pawh a ni anga, kha kha kan sawi leh duh a. Tin, kan Member zahawm tak Pu Duhoma'n an sawi Pu Liansailova pawhin an sawi point lai tak mai a kha, Auditor-te hi an indaih lo nasa si a tih pun a ngai a ni tih kha kei pawhin ka conscious khawp mai a, chuvangin, tunah hi chuan tlemin nimin lama ka sawi ang khan kan financial position hi tlemin a improve chho mek zela, hemi dan kan han siam a kan han kalpui na tur ah pawh hian tih tak taka tih a ngai a ni tih hriain a tam thei ang Sorkar in kan tlin chin ang Auditor chu tihpun hram hram kan rawn tum ang a, hei kan han sawi kan han sawi a, Audit tur te a tul zia leh a tam zia kan hriat khan tuna kan neih te Audit of Accounts Service lama mi hote reng reng a staff dang Auditor kher lo te pawh an in daih loh zia en khan tunah hian tihpun kan tum chho mek a, chuvangin hei hi chu Auditor-hi chu a tam thei ang ber kan sum in a tlin ang angin kan rawn ti tam dawn e tih kha kan sawi leh duh e.

Tin, a dawt leh-a kan sawi leh duh chu, a nih phung-ah tunah hian Auditing leh endik hi kan mamawh tlan zia hi kan han sawi a kan hre theuh anga. Eng party pawh ni ila Ruling kan ni emaw nilo emaw kan head ache a ni vek mai a, mihring chuan kan kuta Sum a awm hian pafa pawh kan inring tawk zo lova, mahni leh mahni pawh hi in rin zawh har a ni a. Sum kuta an awm meuh chuan ka kuta a awm chuan ka hmang zela, chuvangin ak lo ila a tha ang kan ti a, mahni leh mahni pawh hi kan inti to ani. Chuvang in V/C an ni emaw a lian a ni emaw hetah Association an ni emaw engpawl an ni emaw a te pawh a lian pawh ven-pui ngai in enpui ngai tak vek kan ni a, hei hi a kalloh chuan a Sorkar hnathawkte Audit lam kha chu thu dang nisela, sorkar hnathawk Sorkar Department chauh nilo venpui kan ngaihzia chu tupawh hian huat chi pawh a ni lova, kan accept-tlang vek mai a ni.

Chuvangin hei hi kan ram siamna tur atan hian thil tul tak tak niin ka hria a, hemi Connect-ah hian tunlai-ah te pawh hian Right to Information, India Ram pumpui leh kan Ram ngei-ah pawh kan han hmanga a that pawh a tha dawn viauin kan hria a, a then hi chuan kan ti lutuk em ni han tih tur te pawh a awm a. Tu fiamthu in emaw Choka a chemte Alu vel nana min pek hi mi vih-na tur emaw kan ti tlat a lawm mawle han ti te pawh an awm a. Mahse, hei hian min siam tha a, ka hmuh dan chuan enggemaw tiin kan Ram hi Pathian tanpuina leh Malsawmna a lo lut zel dawn a ni, Development alo sang chho ang. Malsawmna sum leh pai leh engemaw a lo lut chho zel dawn a, chumi hunah chuan keimahni a dawngtu tur mimal a nia maw Sorkar a nia maw Sorkar hnathawk an ni emaw association leh mimal thilah pawh hian kan bur hi kan thuah fai loh chuan tun anga hman atanga lokal a bur kan rin hi thuahfaina thawkhat a awm loh chuan Bible tawng takin wine thar kha Wine peng hluia kan dah chuan fello chin hi a awm a ni til. kan hmu theuh mai a. Chuvangin tuna kan Right to Information lokal te, tin, tuna kan han insawisela kan inbeih ngat ngat nate pawh hi keima level china kan sawi pawha tuman i haw lovang u, kan tana tha tur a ni. A fello lai leh diklo lai erawh chu kan inhrilhfiah tlang zel ang a. A Over all-in Chief Minister pawh Sorkar hnathawk zawnng zawnng pawh mahni mimala thuahfai hi kan ngai vek a ni e. Chuvangin hei hi chu i welcome tlang ang u. A rawn sut himsak ber chu a sorkar vengtu Sorkar chu a ni ngei ang a.

A tuar nasa ber tur pawh kan ni a. Chu chu a nih rualin mahni mimal ah theuh pawh hei hi chu kan mamawh tlang a. Chuvangin hemi hi chu tihfai a ngai a ni tih hi kan sawina hmasa phawt a ni a. chumi context ah chuan hemi auditor pawh hi kan mamawh theuh mai a ni a. Pasalte pawisa hman dan tur leh mipuite pawisa hman dan pawh nupa inkar-ah pawh inthlim deuh fahran duh deuh thum tho kha kan nih avangin inrenpui chu kan ngai khawp mai a. Chumi he auditor kan neih hian tunah pawh hian a principle ringawt pawh hian kan Legislative Assembly-in Audit-na tur bill an ti a, sorkar chauh a niilo, Local pawha nasa taka auditor-te inruat belhin an in audit dawn a ni tih han thang sela.

Tin, a tak tak pawhin kan ti baw k ang a. Chu ringawt pawh chuan a siam tha dawn a. A V/C te kha an lo tha lo anih pawhin anmahni pawh kha a lawm ber ber tur. Hmang diklo thei lovin kan kal dawn a lawm tiin hman dikah chuan mahni pawh kan lawm theuh a ni.

**PU LALDUHOMA** : Pu Speaker, Chief Minister zahawm tak inhawn lai hian thahnem ngaih thilah a penalty provision laiah hian sum an lo misappropriate kha pek let leh tur tih a ni ringawt a. chumi pek let tur pawh chu kum thum chungin land revenue angin DC in a recover ang tih a ni a. A hlauhawm loh em mai a. Misappropriation-te, illegal gratification-te, under benefit tihte, IPC leh corruption Act hnuaiiah Case siam sak theih tur chi a tam tawh si a, chu chu a Rules atangin an rawn take care sen hi ka ring lova. Kan Chief Minister zahawm tak hian a rang lama Session lehah amendment rawn putluh hi min tiam se ka duh khawp mai a, dan tha deuh law law i nei teh ang u.

**PU ZORAMTHANGA  
CHIEF MINISTER** : Awle, Pu Speaker, khalai point-ah pawh khan ka lokal dawn e. Kan Member zahawm tak duh dan kha keipawh ka ngaihtuahna thui tak nichina kan sawiah khan a zu tel nghe nghe a ni. Chuvangin helai-ah hi chuan auditor pawh kan ruat tam ang a, kum khat-ah vawikhat kan audit ringawt pawh hian lo ti ta ila, min ring nasa em em mai dawn a ni. Tun-hma in District Council an nih chhoh lai vela an pawisa hman dan auditor-in an bei tur te kha an la thiam loh ve zia te kha han nuihpui baw baw tur lai te pawh tam tak a awm a. Amaherawh chu hei kan thiam sawt khawp mai a. Chuvangin tuna mi hi chu kan theih-tawp in auditor pawh ruat tam-in, a tam thei ang ber in audit tlangin action lak dan tur pawh chu a tha thei ang ber leh chhe thei ang ber-in kal dan tur pawh kha Sorkar hian kalpui kan tum a, kan ram hi tih-thianghlim kan tum tak tak a ni tih kha kan Legislator te khan min lo hriatpui kan duh a ni.

Tin, kan Member zahawm tak Pu Duha'n a sawilai leh kan Member dang-te pawhin in sawilai chiah kha, hemi-ah hian section 10-na-ah khan a rawn ziak kha a taw k lo viau mai a, power of examiner of local fund accounts to surcharge for charge, illegal payment of lost incurred

by negligence kha auditor khan a report-ah heng hi a telh theih ang a ti a. Every poyment which appears to him to be contracted to law, dan kalh a peyment lo kal "amount of equivalent in money of any deficiency of law which appear to be incurred by negligent a tlangpui thu in a fel lo leh a dik lo leh a chawibelh ngai kha report-ah a tel theih ang a ti a. Sub no 2-ah khan after Considering such report, the examiner of local fund accounts may order that any payment refer in clause under section shall be allot and no further section shall be taken as regard any amount refer in' a ti a.

**S P E A K E R** : Kan hun a tawp a, kan chawl dawn nge kan chhonzawm law law ang. A nih i zo law law mai ang.

**PU LALHMINGTHANGA** : Pu Speaker, Khalai kha ka ngaih-mawh lai ka rawn sawikha a ni a. Penalty Clause a awm lo ka tih lai kha. Hei hi Penalty clause ang deuha han chhiar theih kha chu a ni a. Amaherawh chu kan local abodies ho kha regular office holder an ni dawn lova, a then chu elected bodies te an ni a. Kumthum term te an hmang ang a, a then chu Committee Constituted by Government, 2 years term te pawh an ni ang a. Chuvangin hemi hi chuan a tawk lo deuhva, kan va hrem vak ang tihna a ni lova, hlauhna, hlauhthawna a awm hian mihring kan tha thin a tih avanga penalty clause hi a awmlo tlat mai rawn ti a rawn sawi chhuak ka ni a, amaherawh chu verbal amendment te chu a theihchiah loh ang a, mahse amendment siam theih zel tho a ni a. Helaihan hian office dang audit thin te chu entir nan permanent holder te an lo ni a officer te an ni a khatiang objection leh thildang a awm chuan action lak dan tur tam tak a awm ta a; mahsela local bodies-ah hi chuan engemaw penalty clause tha deuh hlek hei aia tha zawk deuha awm hi chu a la tha leh-zual khan ka ringa chuvanga han sawi chhuak ka ni.

**PU ZORAMTHANGA  
CHIEF MINISTER** : Pu Speaker, Awle, a lawmawm e. Kei-pawh chu chu ka zuk sawi tum lai a ni a. Helai hi chu a awm ngei mai a, payment ten a ti anga chumi a an lo lak chuan a rulh tir anga, chung chu a tih tir ang ti a engemaw hremna an lo tih dikloh rulhtirna ang level vel a kha chu a awm a ni. Amaherawhchu kha chu a tawk lo viau mai thei a, rulh tir ngawt piah lama kalpui turte pawh kha a awm ngei ang tih pawh a rin theih a. Chu chu a nih avangin helaihan hian ni e kan Member zahawm tak tak te leh kan mithiam dangte pawhin en dang ila. Hei hi Assam-in a a original a kan zuk lak chhuah atanga lak awm deuh kan la kalpui mek a nih avang khan kha kha kan han chhawm zui zel ngawt chu a ni a. Amaherawh chu practise in han kal ila, tah khan hei aia tha zawk hmuh chhuah

tur pawh kan nei ngei ang tih a rinawm a, khatah khan keini pawh kan inhawng e, a tul a nih chuan amendment pawh kan ti zel dawn nia tih kha rilru kan inhawna ka'n sawi ni sela.

Tin, chu lo leh a kan sawi leh duh chu kan member zahawm tak ten an sawi, audit pangngai C.A.G. report leh thildang te chu PAC in an han khel ta a, chutatang chuan a tul anga umzuiin, action lak leh thildang tihtur te pawh a awm a, hemi hi audit report-a lo kal ve anga, tikhan hetah local examiner-ina an tih hnu-ah khan a tawk lo deuh lo maw, khang enzui tu tur a kha keimahni P.A.C. ni chiah lo pawhin PAC a nih pawhin Legislative body in emaw ni engemawni report kan pek a PAC hna ang deuh thawka umzuitu hian venpui ta ila atha lawmni tih pawh kha ngaihtuah tham tak niin ka hria a, khang pawh kha kan rilru-ah lo exercise ta ila, a tha zawk ni a kan hriat chuan khalamah pawh khan Sorkar pawh kan inhawng tho va tih kha kan sawi tel leh duh bawk a ni.

Tin, chulovah chuanin thildang action te hi keinin good faith tih lai a te pawh kha, ni e a clause-ah khan a original-a kan lak leh kan hmanna-ah hian a awm loh avang hian a awm ang ang hian kan han copy chhuak chho deuh vek a. A tul kan tih ang chu amendment-ah heng te pawh hi la telh thei ta zel ila. Tin, amah tak mai khami local examiner, examiner of local fund-a kha practice a kan kalah chuan hei pawh atira 1930 Assam dan kan hman a awm ang ang khan kan han copy chhuak zel rih phawt chu a ni a, any person tih a kha. Amaherawhchu any person tihah khan hei chen hi Director of Accounts & Treasury kha a ni ngar ngar a, a dang kha awm tur a ngaih kha a ni lo hrim hrim a. A nih loh chuan le Finance Commissioner te hmang ve ila tih te a nih loh chuan, a thiam lo chuan political appointment han tih ngawt theih pawh a ni lo. Amaherawhchu kan hotuten-a an tih ang khan engemaw mihring hi kan in ang lova, engemaw ti tak-a any person tih alawm enge kan ruat theih loh vang ti a tha lo tak mai ruat palh te pawh a awm lohna turin tichiang law law mai ila a tha lawm ni tih te pawh kha a sualna em em pawh chu ka hre bik chuang law. Khang te pawh kha nakinah ngaihtuahna-ah pawh la hmang zel ila. Kha pawh kha kan in hawng a, chu chu ka'n sawi leh duh bawk a.

Tin, hemi kan auditor tena an han tih tur hi a zau hle mai dawn a, chi hrang hrang tute nge ni ang tih laiah khan heta definition-ah khan kan Rules-in a rawn tih-chian tura a dah a ni bawk a. Palina-ah khan local fund means any fund vested in or under the Control or Management of Municipal Board Cum Committee, Local Board, Village authority of the local authority not being a cantonment authority. Sipai lam erawh kha chu a huam lova, cantonment-a kha an includes a ti ta a. Henga an sawi bakah hian any fund declared by the State Government to be a local fund for the purpose of this Act a tih avangin hetah kan rules-ah khan emaw hei hi local fund a ni ti a kan declare tur tam tak a awm dawn a. Hetah definition ziah sen a ni dawn lova, a Act-ah hian. Hetah hian local fund tih definition no. 4-ah khan a awm e. Chutah chuan heng pawh hi tih tel ngei chi a ni tih kha nakina rules kan lay dawn hunah te pawh khan rilru ah kan lo nei anga. A infinchhuah tul ang ang te pawh kan infinchhuah zel dawn nia.



Tichuan hetah keini pawhin practical a kan lo hman tawh a nih avangin examiner-a kha chu Director of Accounts & Treasury hi a ni ngar ngar bawk a, ni zel turah pawh kan ngai a, Auditor-a pawh kan auditor pangugai te hi a nih dan tur pangngai a ni e tih kha Financial Memorandum-ah hial kan rawn telh a. Mahse kan sawi ang khan engngemaw tia herhkawih theih a nih takin chiang law law sela tih ngaihdan awm te pawh kha accommodate theih turah ka ngai a. Nakinah hei hi chu chiang leh zualin Amendment kan siam duh a nih chuan chutah chuan kan la telh thei tho ang a tul kan tih tlan chuan. Tin, hemi lo pawh hi keipawh ka'n en a belh duh lai point thenkhat te pawh chiang leh zualah chuan a tha mai awm mange tih-te ka la nei ta cheu zel a. Mahse, tuna a nih ang ang chuan han pass ta ila.

Hemi-ah hian kan sawi belh duh chu, Pu Speaker, niminah pawh ka sawi tawh, dan siam hi chu kan han ti a. Tu-pawh kan Sawrkar lai khan duh thu kan sam lo theuh a. Dan kan han siam dawn hian department hi hna dang tam tak nena buai an nih avang hian a dan siamtu cell leh lo ngaihtuah-tu leh lo ching feltu an awm loh hi chuan typing mistake fahran he House-a han tih danglam dawna rem tawh chiah silo, phalna lak ngai si, fello hi a tam duh khawp mai a. Chuvangin khami cell deuh emaw, a wing emaw engnge maw tia kan siam kha chu a va tul em! dan kan han pass dawn hian min rawn delhtu pakhat a ni zel mai a tih hi chu ngaihtuah-na ah min neih tir a. Kha kha sawrkar lam atang pawh, kan Legislative Secretariat lam atang pawhin theih tawpin lo en tlang ila thain ka hria a. Tichuan,vawiin atan chuan duhthu 100 % in a sam chiah lo a nih pawhin a tul ang zelin kan la ti tha zel ang tih ring chungin 'The Mizoram Local Funds Account & Audit Bill, 2006,' hi he House hian min pass sak turin ka rawn ngen e. Ka lawm e.

**S P E A K E R**

: Awle, 'The Mizoram Local Funds Accounts and Audit Bill, 2006 chu bill neitu in sawifiah ngai te sawifiah pahin pass-a rawn dil a, kan buk ang a. clause by clause-in kan buk dawn a ni. Clause 3 na atanga 4 na 'Appointment of Examiner' leh 'Appointment of auditor' hi passed remti apiangin 'remti' ti ru le, remti lo kan awm chuan 'remti lo' ti ru le, Aw le Clause 3-na leh 4-na hi House-in lungrual takin a passed a ni. Clause 5-na leh 6-na 'Power of examiner & Local Fund accounts' leh 'Special Power of duties & responsibilities of Local Fund Accounts' hi Passed remti apiangin 'remti ti ru' le, remti lo kan awm chuan 'remti lo ti ru' le, Aw le, clause 5-na leh 6-na House-in lungrual takin a passed a ni. Clause 7, 8, leh 9 'Examiner & Auditors Public Servants with-in the meaning of Indian Penal Courts, presence of interested Persons at a time of Audit leh Audit Report hi Pass remti apiangin 'remti ti ru' le, remti lo kan awm chuan 'remti lo ti ru' le, Clause 7-na leh 8-na leh 9-na House-in lungrual takin a passed a ni. Clause 10-na leh 11-na 'Powers of Examiner Local Fund Accounts to Service Charge legal payment a laseincure by negligence leh Application of Section 9 leh 10 to Audit conducted by the Examiner of Local Fund Accounts hi pass remti apiangin 'remti ti ru' le, remti lo kan awm chuan 'remti lo ti ru' le. Aw le Clause 10 na leh 11-na chu House-in lungrual takin a passed a ni. Clause

12-na leh 13-na Credit of Certified Stamps to local fund leh Appeal against shall charge a charge made under section 10 hi pass rem ti apiangin 'rem ti ti ru' le, remti lo kan awm chuanin 'rem ti lo ti ru' le. Aw le, Clause 12-na leh 13-na hi House-in lungrual takin a passed a ni. Clause 14-na leh 15-na 'Shall Charge as charge to recoverable as an arrear of Land Revenue leh Charge in respect of Audit to be payable out of Local fund hi pass remti apiangin 'rem ti' ti ru le, remti lo kan awm chuan 'remti lo' ti ru le. Aw le, Clause 14-na leh 15-na hi House-in lungrual takin a passed a ni. Clause 16-na, 17-na leh 18-na 'Power to make rules appeal of .....provisions in other enhancement leh appeal and savings hi pass remti apiangin 'rem ti' ti ru' le, remti lo kan awm chuan 'rem ti lo' ti ru le. He bill-a Schedule hi pass remti apiangin 'rem ti ti ru' le. Remti lo kan awm chuan 'rem tilo' ti ru le. Aw le, schedule hi House-in lungrual takin a passed a ni. Hei hi bill-a tel a ni.

Tunah chuan preamble and acting formula leh clause 1 leh 2 schort tittle and definition te hi pass remti apiangin 'rem ti' ti ru le. Rem tilo kan awm chuan 'rem ti lo' ti ru le. House-in preamble and acting formula Clause 1 and 2 Short tittle and definition chu lungrual takin a passed a ni. Hei hi bill-a tel a ni.

Khati khan The Mizoroam Local Funds Accounts and Audit Bill, 2006 hi a pumpui a pass remti apiangin 'remti ti ru' le. Rem tilo kan awm chuan 'rem ti lo ti ru' le. Aw le, The Mizoram Local Fund Account and Audit Bill, 2006 chu lungrual takin House-in a passed a ni.

Tikhan vawiin-a kan business chu kan zo ta a. Tun tuma kan Session hi kan lo zo leh dawn ta reng a, kan tin darh hman thupuan tur leh thukhaw chang sawi duh tlem ka nei a, khawngaiha min lo ngaihthlak sak turin kan ngen che u a ni.

Tun tum Favang Session thutkhawm hi BAC-in a rel angin ni 3 (thum) chhung thutkhawm a ni a. Tun Assembly hi kan thutkhawm wawi 9-na a ni. Vawiin hi kan thutkhawm tawp ni a lo ni leh ta reng mai a. A tlangpuiin session chhunga kan hnathawhte hetiang hi a ni. Zawhna chungchang Starred question lut zat 78, Rejected 4, Admitted 74, Clubbed khawm 5, List of Business-a dah zat 51, House chhunga chhan zat 9 House-a chhan hman loh 42 Unstarred Question lut zat 95 Starred Question Unstarred Question-a lut zat 18 Rejected -3 Admitted 92 Clubbed 2 House Table-a dah zat 85 Unstarred Question chhanna hmuh loh te Question no 29-na leh 77-na Planning Department chhan tur.

Tin, Unstarred Question 55-na Taxation Department chhan tur hi chhanna pumhlum kan hmu hman lova, interim reply kan dawng a ni. Unstarred Question no-72-na Higher and Technical Education Department atangin chhanna kan hmu lo bawk. Hei hi a changtu Minister ten an department--a mawhphurtute lo bihchianpui thei se a lawmawm khawp ang. Kan Member pui Pu Sainghaka chuan Chatuan ram min lo pan san tak avangin a sunna hun hman a ni a. Member 5 in uina thu an sawi hnuah zahna entir nan Minute khat chhung ngawirenga din a ni. Session chhungin House-ah heng te hi

present ani bawk. Business Advisory Committee Report (BAC) 24, 25 leh 26-na Subordinate Legislation Committee Report 6-na Subject Committee-I Report 1 2 leh 3-na. Tin, heng a hnuai mite hi House Table-ah lay a ni bawk. 'The Mizoram Legislative Assembly Right to Information Rules, 2006. The Mizoram Passengers and Goods Taxation Rules, 2006. the Aizawl Development (Master Plan and total Development Plan) (1<sup>st</sup> Amendment) Rules, 2006. Annual Report of MAMCO Ltd. for the year 1996-1997, 1997-1998, 1998-1999, 1999-2000-a Annual Report 4, 5, 6 leh 7-na. KVI Board Annual Accounts 2002-2003. KVI Board Audit Report for the year 2002-2003. KVI Board Annual Report vawi 20-na 2004-2005 The Mizoram State Consumer Welfare Fund Rules, Correction of reply to unstarred question no 28 put by Hon'ble Member Pu F. Lal Thanzuala on 18.10.2006. ZENICS Limited Annual report 8-na leh 9-na 1998-1999, 1999-2000-ah. The Mizoram Right to Information Rules 2006. The Mizoram Societies Registration Rules 2006.

Tun Session-ah hian Bill 4 a lo lut a, heng zawng zawng hi pawm a ni a. Pakhat erawhchu withdraw leh a ni. Bill 3-te chu Member ten thahnemngai taka sawitlan a ni a, tichuan heng Bill te hi tun session-ah hian he House hian a passed a ni. The Mizoram Co-operative Societies Bill 2006. The Mizoram Fiscal Responsibility on Budget Management Bill 2006. The Mizoram Local Funds Accounts & Audit Bill 2006. Kan session vawi 7-na leh vawi 8-na Emergency Session-a kan Bill pass tawh 2-te The Mizoram Appropriation No 3. Bill, 2006 leh The Mizoram State Legislature Members Removal of Disqualification Amendment Bill, 2006 te kha Governor atangin assent lak fel tawh a ni. Heng bakah hian thil pahnih khat lek ngenna siam ka duh a.

(1) Kha zawhna chhan hman lohte a awm a, kan Member zahawm tak Ratu bialtu-ina 'Bill te hi dan bawhchhelo chiah chiahin kan ti thin' a ti ang deuh khan Member lam pawh hian zawhna chhanna hi a bawhchhe lo tawh chiah in kan theh lut ve deuh bawk thin a. Ni 15 hun kan nei a, heta tanga kan pek chhawn hian ni 10 chungin in rawn chhang ngei tur a ni kan ti leh a. Chuvang chuan kan Member te hian a hma lamin ni hmalamah Notification kan chhuah deuh zat zat a, kan dan chuan ni 15 a ti na a, Member ten zawhna hun tha tak kan neih theih nan ni 30 hmalamah hian House Leader hian Session koh hi a peih hman zelin ka hria a. Chuvang chuan kan zawhna-te hi tlemin submit hma theih deuh ni sela a chhangtu tan khan hun a tam ang a. Chu bakah kan zawhna hi thenkhat chu a tam thei khawp mai a, Rampum huap list siam ngai chi kan zawh chuan, department pakhat phei chuanin hetia kan rawn tih chuan Copy 120 vel rawn theh luh a ngai a, cheng nuai chuang daih kan seng dawn e an rawn ti a. engpawhnise, interim report rawn tiphawt ula, a pumpuia in hman loh pawn chu chu kan la thlir tlang zel dawn nia ka lo ti a.

Starred Question te hi chu kan thiam sawt viau a. Unstarred ah pawh hian zalenna chu kan nei nanga, mahse a chhangtu ber dinmunah khan zu indah ve chhin ta ila, phek 50, phek 100 vel a chhan ngai

lo chi hianin kan zawhna te hi duang thiam ta ila, a chhangtu ten a hun taka an tih theih nan ka'n ti deuh hlek a. Tin, kan la fimkhur taw lo hretin ka hria a. Hming sign hmaih mai te, kan zawh Department han dah theihngilh mai te, dan hian khang kha pawm loh tur te a lo tilaw then si a. chuvangin kan zawhna chungchang thuah kha kha Member ten hriat nawn leh-ah ka'n han duh a.


Tin, hei I.T. Technology te Media pawh hi kan sang chak em em a. Helai karah hian keini House-ah hian Member zahawm tak tak te, Minister zahawm tak tak te thleng pawh hian kan thusawi kawngah hian kan fimkhur leh zual a ngai mange aw tih ka ngaihtuahna-ah a lo awm a. Hei tunlai kan thangtharte chuanin an tan zawng tawngkam mak tak tak a tan, tan loh zawng tawngkam mak tak tak a han insawisel te hi kan thiam em em tawh mai a. Tiang hian kan Society hi a kal zel ang tih a hlauhawm hle-in ka hria a. Kan ventlan hi a ngai tak meuhin ka hria a. Chuvangin Member zahawm tak tak ten thusawi theihna right kan neia tah hian kan duh deuh sawi a theih rual hian kan inpuhna te pawh hi, allegation kan siam a nih ngat chuan substantiate theih nisela.

Tin, rindan pawh kan sawi thiang a. Mahse kan rindana kha thutak sawi a, kan sawi chuan Political Leader ve lem chu. Pathian tluk lo deuh pawha min ring hi an tam ve a nia. Pastor pakhat pawh a thusawi a thu ziah, a ngamlak deuhin an chhuahchhal a, kha mi paw i sawi a nia, an ti a. 'A' MLA pakhat sawi kha ka lo hria a, kan ziak chhawng ve mai a sin maw le,' a ti ringawt mai a. Khatiang khanin kan mipuite hnenah kan rinthu kha thu taka kan sawi kha a awm palh ang tih ka hlau thin a. Chuti a nih chuan information diklo kha kan thehchhuak thei a. Amaherawh chu kan rinthu pawh kan sawithiang, mahse, "hei hi chu kan rinthu," "kan chhui zelnaah chuan hetiang hi niin a lang" te ti a, kan tawngkam kha kan fimkhur em em a tul leh zual ta in ka hria a. Tin, hawihhawm taka Parliamentary language hi hman chhunzawm zel hi kan mawhphurhna a ni tih kha kan hriat hnu mah ni se kan sawi nawn leh a ni e.

Awle, tun tuma kan Session chu kan zo leh ta  
a. Sitting is adjourned Sine die.

Ajourned 1 : 25 P.M.

**NGURTHANZUALA**  
Secretary.



LEGISLATIVE ASSEMBLY

LIBRARY

Acc. No. 14138

Dt. 14-8-57

MIZORAM : AIZAWL